

DS
793
S32P636
1786
v.12



册 12
卷 28-33

易
子
志
卷
之
八

平陽府志卷之二十八

寓賢

擇地而蹈士君子之常也然而高踪所留地增重焉平陽地號佳勝四方名賢多有至者始或游歷偶到久且栖遲以終歷考芳躅深用嚮往噫人之生於斯長於斯聚族於斯者林林總總矣而係人寤思乃在僑寓之士然則人能重地豈不以德哉作寓賢志

周

蘧罷

字子蒞楚大夫靈王二十五年如晉蒞盟平公享之將出賦既醉叔向曰蘧氏之有後於楚國也宜

貳承君命不忘敏子蕩將知政矣敏以事君必其養民
政其焉往

季孫行父

魯大夫襄靈時兩使於晉後復使如晉魯宣
伯使譖於卻犇請殺之晉執之舍於苕邱成

公使子叔聲伯請於晉犇不許范文子曰季孫於魯相
二公矣妾不衣帛馬不食粟可不謂忠乎子叔嬰齊奉
君命無私謀國家不貳圖其身不忘其君信謹愿而棄
忠良若諸侯何乃許魯平赦行父歸

公孫歸父

字子家魯大夫欲去三桓以張公室與宣公
謀而聘於晉欲以晉人去之公薨還及笙壇

惟復命於介既復命袒括髮
即位哭三踊而出遂奔齊

晏嬰

齊大夫靈王十九年晉人執衛侯嬰相齊侯如晉
私與叔向曰晉君宜其明德於諸侯恤其患而補

其闕正其違而治其煩所以爲盟主也今爲臣執主若
之何叔向以告晉人歸衛侯景王六年齊侯復使嬰請
繼室於晉平公許之即成昏受禮叔向從之宴相與語
齊晉之敝嬰曰此季世也吾弗知齊其爲陳氏矣因言

公棄其民而歸於陳氏之故叔向亦以晉公室之衰告之後胥如其言

公孫僑

字子產一字子美鄭大夫靈王二十三年晉徵朝於鄭鄭使僑於晉對之又三年鄭伐陳使僑

獻捷於晉晉人問陳之罪僑對甚辯晉人不能詰乃受其獻景王二年相鄭伯如晉晉侯以魯喪未見僑使盡壞其館之垣士文伯讓之僑以盜賊公行賓見無時對趙武聞之曰是吾罪也使文伯謝之平公見鄭伯有加禮厚其宴好而歸之叔向曰辭之不可已也如是夫子產有辭諸侯賴之若之何其釋辭也明年平公有疾鄭使僑聘晉且問之時卜人言實沈臺駘爲祟史莫之知叔向以問僑僑曰昔高辛氏有二子伯曰閼伯季曰實沈居於曠林不相能也日尋干戈以相征討后帝不臧遷閼伯於商丘主辰商人是因故辰爲商星遷實沈於大夏主參唐人是因以服事夏商其季世曰唐叔虞當武王邑姜方娠太叔夢帝謂已余命而子曰虞將與之唐屬諸參而蕃育其子孫及生有文在其手曰虞遂以命之及成王滅唐而封太叔焉故參爲晉星由是觀之

則實沈參神也昔金天氏有裔子曰昧爲元冥師生允格臺駘能業其官宜汾洮障大澤以處太原帝用嘉之封諸汾川沈如蓐黃實守其祀今晉主汾而滅之矣由是觀之則臺駘汾神也抑此二者不及公身若公身則亦飲食哀樂之事也僑聞之君子有四時朝以聽政晝以訪問夕以修令夜以安身於是乎節宣其氣勿使有所壅閉湫底以露其體茲心不爽而昏亂百度今無乃壹之則生疾矣僑又聞之內官不及同姓故志曰買妾不知其姓則卜之違此二者古之所慎也男女辨姓禮之大司也今公內實有四姬焉其無乃是也乎若由是二者弗可爲也已四姬有省猶可無則必生疾矣叔向稱善公聞之曰博物君子也重賄之十年復聘於晉時昭公有疾夢黃熊入於寢門韓起逆客問焉僑曰昔堯殛鯀於羽山其神化爲黃熊以入於羽淵實爲夏郊三代祀之晉爲盟主其或者未之祀也乎起祀夏郊晉侯有間賜僑以莒之二方鼎先是公賜州田於公孫段至是僑爲其子豐施歸之於起僑數聘晉與叔向善叔向嘗問鄭政與其大夫僑對之後皆如其言及鄭鑄刑書

叔向貽書諫之僑復書曰吾以救世也既不永命敢忘大惠其獻陳捷於晉也孔子嘗稱之曰志有之言以足志文以足言不言誰知其志言之無文行之不遠晉爲僑鄭入陳非言辭不爲功慎辭哉

游吉

鄭大夫靈王二十七年如晉告朝楚少姜之葬暨虎祁成成至晉送賀敬王二年相鄭伯如晉見范

獻子獻子以王室問對曰老夫其國家不能恤敢及王室抑人亦有言曰賡不恤其緯而憂宗周之隕爲將及焉今王室實蠹蠹焉吾小國懼矣然大國之憂也吾儕何知焉吾子其早圖之獻子懼而與宣子圖之乃徵會於諸侯四年夏遂會於黃父令輸王栗具戍人曰明年將納王趙簡子見吉問揖讓周旋之禮焉對曰是儀也非禮也夫禮天之經也地之義也民之行也天地之經而民是則之故能曲直以赴於禮者謂之成人簡子曰鞅也請終身守此言也頃公之葬鄭復使吉吊且送葬士景伯詰其無貳之故吉對以禮有豐省晉不能詰十四年返自召陵吉未至而卒簡子爲之臨甚哀曰黃父之會夫子語我九言曰無始亂無怙富無恃寵無違同

無敖禮無驕能無復怒
無謀非德無犯非義

季札

吳公子景王元年歷聘諸國適晉說趙文子韓宣子魏獻子曰晉國其萃於三族乎說叔向將行曰

吾子勉之公侈而多良大夫皆富政將在家吾子好直必思自免於難

叔弓

魯大夫景王五年如晉平公使郊勞辭曰寡君使弓來繼舊好固曰女無敢為賓徹命於執事敝邑

矣敢辱郊使請辭致館辭曰寡君命下臣來繼舊好
好合使成臣之祿也敢辱大館叔向曰子叔子知禮哉
忠信禮之器也卑讓禮之宗也辭不忘國忠信也先國
後已卑讓也詩曰敬慎威儀以近有德夫子近德矣十
一年復如

晉賀虎祁

叔孫豹

魯大夫厲平之世凡五使於晉賦詩應對咸適
事宜晉人稱之范宣子嘗問不朽於豹以范氏

先世為言豹曰此謂世祿非不朽也豹聞之太上有立
德其次有立功其次有立言雖久不廢此之謂不朽若

夫保姓受氏以守宗祏世不絕祀無國無之祿之太者不可謂不朽

子貢

衛人齊田常欲伐魯子貢請行孔子許之遂行至齊說田常伐吳田常許之使子貢南見吳王說使

救魯伐齊吳以越為憂子貢請東見越王王令出兵以從還報吳王於是吳王乃遂發九郡兵伐齊子貢由吳之晉謂晉君曰臣聞之慮不先定不可以應卒兵不先辦不可以勝敵今夫齊與吳將戰彼戰而不勝越亂之必矣與齊戰而勝必以其兵臨晉晉君大恐曰為之奈何子貢曰修兵休卒以待之晉君許諾子貢去而吳王勝齊於艾陵以兵臨晉晉人擊之吳師敗越遂襲吳

隰叔

周杜伯子宣王殺杜伯隰叔奔晉生士為為獻公司徒其後世為晉卿

樗里子

名疾秦惠王之弟也滑稽多智號智囊惠王八年將而伐曲沃盡出其人取其城池二十五年

為將伐趙虜趙將軍莊豹拔蘭武王立為右丞相昭王元年將而伐蒲蒲守請胡衍說樗里子勿攻樗里子善

之遂解蒲而去還擊皮氏

皮氏未降又去七年卒

豫讓

晉畢陽之孫欲爲其主智伯報所讐趙襄子常匿入其宮厠刺之不克已復變音容爲乞人伏橋下

以何又不克因請得襄子衣拔劍三躍擊之竟伏劍而死是時襄子居趙城所伏橋卽今豫讓橋在城南

晉

諸葛誕

孔明族弟顯名於魏遊於浮山縣北七里愛其山水明秀棲名不返子孫占籍代有文士其地

名諸

葛村

庾珉

鄆陵人性淳和好學行已忠恕少歷散騎常侍封男爵懷帝蒙塵於平陽珉從之不勝悲憤因大號

哭賊惡之遇害元恭謚曰貞王傳仕晉與珉同死懷帝之難於平陽

辛勉

狄道人博學有貞隱隨懷帝至平陽劉聰將署爲光祿大夫勉固辭以藥酒逼之勉曰大丈夫豈爾

虧節以事二姓引藥將飲左右止之聰嘉其節築室平陽西山月致酒米勉亦不受弟賓隨愍帝蒙塵平陽遇害

翹允

金城人從愍帝至平陽見帝被辱伏號於地不能起乃發憤自殺聰嘉其忠烈塋之

劉毅

東萊人孝而有節居平陽太守杜恕請爲功曹時語曰但聞劉功曹不聞杜府君晉武時累官尚書

僕射子勣正直有

父風官至左丞

比魏

酈惲

字幼渠范陽涿鹿人範弟神虎子也好學有文才尤長吏幹正光中刺史裴延儻舉秀才射策高第

後延儻爲行臺尚書引爲行臺郎以招撫有稱及延儻解還行臺長孫稚又引爲行臺郎加征虜將軍惲頗兼武用常以功名自許每進計於稚多見納用以功賞魏昌縣開國子後與唐州刺史崔元珍固守平陽武泰中

爾朱榮稱兵赴洛憚與元珍不從其命爲榮行臺郎中
樊子鵠所攻城陷被害時年三十六世咸痛惜之所作

文章行

於世

北周

宇文慶

字神慶河南洛陽人累授驃騎大將軍建德五
年從伐齊拔晉州其後齊師大至慶與宇文憲

輕騎而覘卒與賊遇爲所窘憲挺身遁慶退據汾橋衆
賊爭進慶引弓射之所中人馬必倒賊乃少却及破齊
拔高壁克并州功並居最詔封汝南郡公開皇初拜武
衛將軍上柱國涼州總管卒

唐

姜寶誼

秦州上邽人大業末鷹揚郎將領府兵從高祖
督盜太原及起兵授左統軍下西河霍邑武德

初封永安縣公歷右武衛大將軍劉武周數遣黃子英
盜雀鼠谷命寶誼擊之遇伏被執尋亡歸與裴寂拒

金剛戰汾州寂走寶誼復爲所擒上聞曰彼烈士必不肯下賊死矣賜其家物千段米三百斛果謀還被害且死西向大呼曰臣無狀負陛下賊平詔迎其柩贈左衛大將軍謚曰剛

姜暮

上邽人從唐高祖平霍邑絳郡上言多見嘉納後爲叅軍民畏其法而懷其仁比去位隱於霍之石

鼻

谷

孫思邈

京兆華原人幼時洛川總管獨孤信見而異之曰此聖童也顧需大難爲用爾及長隱居太田

山學道養氣求度世之術曉天文精究醫藥著千金方脈經等書隋文帝以國子博士召不拜密語人曰後五十年有聖人出吾且助之因遊行醫寄跡洪洞城南二里坂上唐太宗與尉遲敬德戰敗晝夜被追三百餘里以勞成疾吐血不止思邈藥之而愈欲官之不受封爲安樂真人顯慶中召詣京師年已老而視聽聰瞭拜諫議大夫固辭還山高宗賜良馬假鄱陽公主邑居之孟說盧照隣等皆師事焉照隣有惡疾思邈委曲諭曉有

心欲小膽欲大智欲圓行欲方等語魏徵等修齊梁周隋等史屢諮遺事故其傳最詳孫處約常以三子見思邈視之曰俊蚤顯侑晚貴佐禍在執兵其後皆驗太子詹事盧齊卿之少也思邈謂之曰君後五十年當位方伯吾孫爲屬吏願自愛時思邈之孫溥尚未生也及溥爲蕭縣丞而齊卿爲徐州刺史永寧初年卒年百歲餘洪洞人立廟於坂祀之呼曰安樂君廟至今千有餘年邑人享祀不輟邑南三十里孫長村有墓存焉病者祈藥卽愈朱子小學註謂思邈爲唐名進士以通醫目爲技流惜哉

員半千

字榮期齊州全節人其先本彭城劉氏十世祖疑之事宋起部郎及齊受禪奔元魏以忠烈自

比伍員因自姓員半千始名餘慶霸州通書史客晉州州舉童子房元齡異之對詔高第已能講易老子長事王義方以邁秀見賞義方嘗曰五百歲一賢者生子宜當之因改今名凡舉八科皆中咸亨中上書自陳臣家貲不滿千錢有田三十畝粟五十石聞陛下封神岳舉豪英故鬻錢走京師朝廷九品無葭莩親行年三十

志潔操未蒙一官不能陳力歸報天子陛下可惜士隱
方寸地不使臣披露肝膽乎俄舉岳牧對策擢高第使
此蕃將行武后曰久聞爾名譚爲古人乃在朝邪境外
事不足行宜留待制卽詔入閣供奉爲文館直學士
又待制顯福門下累封平原郡公半千事五君有清白
節年老不衰樂山水自放開元九年遊堯山沮水間愛
其地遂定居卒年九十四卽葬焉

褚無量

字度杭州鹽官人精禮及司馬史記擢明經
除左散騎常侍兼國子祭酒開元五年東巡狩

上疏請所過名山大川卽陵墳衍古帝王賢臣在祀典
者並詔致祭上納之卽詔無量祀堯平陽在所刺史參
獻七年卒贈

禮部尚書

李拯

字昌時隴西人咸通中進士累佐府幕黃巢亂避
地平陽後爲考功郎中知制誥時襄王煜之難拯

嘗退朝望南山而吟吟已涕下襄王敗拯爲亂兵所殺
妻盧氏刀斷一臂死

李餘福

京兆人泰政昭德之孫為唐監察御史適丁唐末致仕歸居昭宗乾寧四年挈家東行至晉地

越陵山東紫胡口詢其地父老云東南曰翼城唐叔始封之都也西北曰壽城鄭太子分封之域也餘福遂卜地焉其後元弼明經

中選知曲沃縣事

楊宗

雁門人唐昭宗天祐中仕至大司空以唐末兵起遂卜地於翼石鄭莊其後子孫楊璘輩累代貴顯

續寶

雁門人唐儀鳳中以勞調州倅遂家於翼續榮續世安續旻皆其苗裔也

元

張從諫

浙江寧波人元學士元亡遂遠道佯狂乞於翼市後以詩贈學諭學諭憫其寒令諸生遺之以

布從諫曰何相輕如此古之却衣而斃者何人哉遂索詩反其布卒葬漏澤園

曹之謙

應州人興定中進士著名金元間寓平陽三十載講明道學為斯文格式遠近多來從遊

有兌齋文集行世二子叔
舉孝行皆克世其家學

李炳奎

山東堂邑人至正戊子進士官翰林國史院編
修元末避兵於翼元亡遂卜居焉洪武三年縣

丞薛大昉延教
生徒以傳其學

孔思用

舊志按聖門志孔子流裔二十九支一在山西
平陽府翼城縣係五十四代孔思用之後思用

子行道元至正間授沁水教諭陞威州學正因母袁氏
病不赴母故卜葬於翼之浮圖村遂世居於是今有聖
廟在焉春秋二祭
代有奉祀生員

明

毛士龍

字伯高宜興人萬四十四年進士為刑科給
事中內豎劉朝田詔劉進忠盜宮中貲下獄魏

忠賢傳旨貸死下刑科士龍抄奏者三忠賢及諸奄街
刺骨忠賢憾張后誣為死囚孫二所出土龍請究治妖

言并主使忠賢益怒士龍劾順天府丞邵輔忠朝忠反
劾之因削籍忠賢又令私人張訥劾之遣戍平陽衛士
龍知忠賢必殺已夜中穴牆遁其妾不知謂有司殺之
披髮號泣於道而忠賢適誅朝士爲士龍稱冤詔赦罪
復官晉左僉都御史病歸

羅人文

沁水諸生工岐黃術避寇僦居於翼崇薦賢書康熙初年授吉州學正今入籍

丙子

國朝

顧炎武

江南崑山人初名絳字亭林因易名並易其字曰寧人爲學根柢考亭旁及天文地理律

渠莫不考究與客語輒悉其本末常讀書曲沃韓村宜園著有鄉國天下村病書日知錄下學指南音義學五書錢糧論諸篇

平陽府志卷之二十九

風俗

漢應劭作風俗通義謂風俗不同聖人作而均齊之咸歸於正否則遷其本俗夫本俗之貞淫正變亦極不齊矣惟唐儉魏思咏於詩雜見於紀傳遷史以爲堯舜之地風教固殊則又非五方之可概論者也守土以來按部巡行頗覘大畧間有或失則畜或失則褊如昔人所譏者而勤儉深思之本意雖千古如一日於以知天氣地形水泉草木之性含血之倫因風成俗風俗固可易

而不可易者也書曰爾惟風下民惟草孔子曰道之以德齊之以禮觀風者培其元而止其流斯得治本已作風俗志

河內曰冀州其山鎮曰霍山其澤藪曰揚紆其川漳其

浸汾潞其利松柏其民五男三女其畜宜牛羊其穀宜

黍稷

周禮

季札觀樂爲之歌唐曰思深哉其有陶唐氏之

遺民乎不然何憂之遠也非令德之後誰能若是爲之

歌魏曰美哉颶颶乎大而婉險而易行以德輔此則明

主也

左傳

魏地狹隘其民機巧趨利

詩小序

唐風土瘠民貧

勤儉質樸憂深思遠有堯之遺風焉魏風其地狹隘民

俗儉嗇蓋有聖賢之遺風焉

詩傳

昔唐人都河東

徐廣曰堯都晉

陽

殷人都河內周人都河南夫三河在天下之中若鼎

足王者所更居也建國各數百千歲土地小狹民人衆

都國諸侯所聚會故其俗纖儉習事楊平陽陳西賈秦

狄北賈種代

史記

參爲晉星其民有先王遺教君子深思

小人儉陋

同上

水深土厚性多剛直好氣任俠當全晉之

時固已知其剽悍矣

同上

帝堯彊於行嗇於志以養天下

之形是以庶政惟和萬國咸寧民皆廸吉莫不振動服

化比屋可封而躋仁壽

路史

比屋可封者堯舜為之隄也

楊終傳

欲作千箱主問取黃金母謂多稼厚蓄耕土所致

也

汾晉問語

晉有唐虞之遺風其俗節財而儉嗇

北齊劉子

土地

少沃多瘠是以傷於儉嗇其俗剛強亦風氣使然

隋書

山

西土瘠其人勤儉而河東魏晉以降文學盛興閭井之

間習於成法

通典

魏豐樂侯杜君畿為河東守開置學官

親執經教授郡中化之自後河東特多儒者

同上

以稼則

碩以植則茂以牧則蓄以魚則庶而人用是富而邦以

之阜

柳子厚晉問

平陽堯之所理也有茅茨采椽土型之度

故其人至於今儉嗇有溫恭克讓之德故其人至於今
善讓有師錫僉曰疇咨之道故其人至於今好謀而深
思有百獸率舞鳳凰來儀於變時雍之美故其人至於
今和而不怒有昌言儆戒之訓故其人至於今憂思而
畏禍有無爲不言垂衣裳之化故其人至於今恬以愉
此堯之遺風也吳子曰美矣善矣其蔑有加矣夫儉則
人用足而不淫讓則遵分而進善其道不鬪謀則通於
遠而周於事和則人之質戒則義之實恬以愉則安而
久於其道也至乎哉

同

昔魏君儉嗇褊急近秦晉日見

侵削平桓之世變風始作

詩叙

唐俗勤儉故其民間終歲

勞苦不敢少休及其歲晚務閒之時乃敢相與燕飲爲

樂

朱子詩註

其風俗之厚而前聖遺風之遠如此

同上

太行山

之高處平陽晉州蒲阪山之盡頭其地磽瘠人民樸陋

儉嗇惟堯舜能都之

朱子論

河東地瘠民貧風俗勤儉乃

其風土氣習有以使之至今猶然在三代時可知

朱子詩辨

白堯而至於周蓋千餘年矣而其風俗流傳固結於唐

人之心故其民間質實勤儉之習親愛和樂之思警戒

忠告之情脩見於詩此其俗之所以爲厚也

安城劉氏詩說 克

勤克儉所憂所思雖無唐虞君臣之德業而其發於詩

者與伯益告戒之辭同條其貫信乎前聖遺風之遠也

上同唐俗勤儉勤者生財之道儉者用財之節聖人教人

不越乎勤儉而已

豐城朱氏詩說

其俗剛悍而樸直勤農織之

事業寡桑柘而富麻苧善治生多藏蓄其靳嗇尤甚

宋地

理志

其民倜儻而無所顧負力而傲其吏吏有不善而不

能以有容也呌號紛呶奔走告訴以爭毫釐曲直之際

故夫秦晉之俗有一朝不測之怒而無終身戚戚不報

之仇也

蕪論

全晉未分時在春秋世最爲強國其俗用

意深遠有古帝王之遺風

唐庚憫俗論

古之帝王更都三河

讀園桃園棘故其民至於今憂國而忠於主有樞有輪

故其民至於今喜樂而愉瞿瞿休休故其民至於今長

慮而却顧陟岵陟屺故其民至於今孝閑閑坎坎故其

民至於今力穡且葛屨見隘陘焉彼汾見貧儉焉

郭子章晉

論

陂塘瀦灌溉通原隰墾稼穡同

張鳳翼晉賦

士尚謙恭民

多醇古恍不識不知之毗一讓畔讓居之度去華存儉

則素題越席之遺憂深思遠其暑雨祁寒之故

同平陽

往聖所都氣溫土沃河東殷實漢唐同稱吏能茹冰葉

可鳴琴治也

羣書備考

崇禮讓多勇敢

圖書編

君子憂深思遠

小人儉嗇甘辛苦薄於滋味勤於耕織服勞商賈

舊府志

人好力田喜雨苦旱

同上

其民甘麤糲力稼穡儉樸不奢

祝志

臨汾

居不近市女不向衢士民有分男女無雜勇於納

賦耻於遊食

舊省志臨汾

尚樸魯力田畝勤紡織崇享祀

祝志

襄陵

力稼服田勤於紡績享祀報本雖費不奢

穆志襄陵

士尚

廉耻學業有宗敦樸力農急公尚義

襄陵志

男女率多耕

織老幼多服布衣讌會器用瓦缶食無多品居室僅取

容身士務實學少知遜長遇鄉達讓避仕宦非遠出不

乘輿馬

舊洪志

民尚儉而務耕織士勤學而耻驕奢

祝志洪洞

惟尚質實不事商賈

祝志浮山

俗尚節儉不事商賈男耕女

織各執其功重婚喪惜廉耻以官法不及為榮以家事

不治為辱比閭親睦有無相須交際往來一秉古禮

浮山

志

勤於耕織簡於自安

祝志趙城

民性儉嗇士知讀書

穆志趙城

民性樸實不尚浮華頗好讀書勤耕織喪不停柩婚姻

以時二禮豐儉皆稱家之有無

趙城志

男力畎畝女務織

紡信鬼神喜祭賽婚論財禮喪用浮屠

祝志太平

君子尚禮

義小人勤稼穡里閭之間雍雍如也

太平志

質而少文儉

而不侈祝志人民性質而樸素財用節儉而不侈文武

鮮尚商賈不通穆志土厚水深居之不疾有汾澮以流

其惡且民從教左傳成公重遷徙服商賈頗好神而健

訟祝志土恂恂禮法矜譚氣節卽人不盡然亦善釣從

衆民樸直急公貢賦不敢後而競利好鬪或亦地氣使

然也土狹人滿每挾貲走四方所至多流寓其間雖山

陬海濱皆有邑人趙彥復沃士民有分男女不雜近頗

奢靡祝志水土深厚故其俗樸質地方剛壤故其民武

悍有先王克儉之風故其習纖嗇翼城民質樸不事驕

奢侈淳訟簡庶乎禮讓之風

祝志
汾西

重禮義不事浮末近

頗惑於鬼神

祝志
靈石

僻在萬山中財貨不通其人勤苦多

致蓋藏弟子員皆守章句不敢背師說

靈石
志

岳陽堯都

所在其民勤且儉猶有遺風焉

明一統
志霍州

好儒少訟薄於

衣食而好置產業

祝志
霍州

冠禮

久廢

以下採舊府志

昏禮各處不同大約六禮之中僅存其四問名納采請

期親迎而已

亦有不
親迎者

張筵演劇富家率以為常無復古

者昏不舉樂之意

親迎之日擇親戚中年相若者一人飾以俱往名曰伴
郎擇婦擇壻古人慎之近時士大夫止重門第議昏多
不待男女之長市井細民甚有指腹割襟者久生它故
或至速訟

女家勒索聘禮男家苛責粧奩自詩禮舊家而外鮮有
免者

親喪納女名爲拜喪遊子未歸而娶婦號曰空房又有
男子未聘女子未字旣死而後議婚兩柩合葬謂之冥
配尤習之陋也

喪禮不作佛事不用俳優士大夫秉禮之家間有行者
鄉里怪之目爲儉親誦經超度扮劇愉尸牢不可破至
於出殯之日幢幡遍野百戲具陳力不能備則以爲耻
寧停柩焉惟翼俗近古頗可爲法

泥信堪輿由來已遠卜地卜日動經數歲其能卓然不
惑者百無二三

祭禮營廟置主唯摺紳有之然亦同堂異龕而已寒食
忌辰率皆墓祭豐儉稱力民間同設龕於寢祭儀亦大槩
簡畧矣

歲時社祭夏冬兩舉率多演劇爲樂隨其村聚大小隆殺有差蓋猶報畱之遺云

鄉鎮立香火會扮社火演雜劇招集販鬻人甚便之然男女聚觀識者恨焉

平俗不信鬼事至於山僻之處醫藥難致一有疾病則巫覡端公乘間惑之非稍知禮義者鮮不墮其術中

元旦夙興燔栢葉或焚束薪名曰興旺火陳牲醴果羞祀神祀先家人以次跪拜稱壽畢出拜尊長及戚里焉飲食相招十數日乃已

立春噉蘿蔔數片名曰咬春取薦辛也春盤春餅繁華之鄉間亦有之

元宵張燈毬架鰲山鼓吹雜戲火樹銀花城市爲多然奢儉相懸各從其俗鄉村以小瓦盞點油燈遍列門室蒸麪作魚蛇置燈旁俗呼伴燈

十六日婦女牽伴夜遊名曰走百病鄉村頗少二十日冢食煎餅名曰添倉夜不張燈俗呼爲鼠忌

二月二日俗傳龍擡頭日家爲鼓箕春分釀酒醋

寒食墓祭且加封焉清明踏青放紙鳶架鞦韆通郡不

過數處穀雨以灰酒灑墻名曰禁蝎

四月一日揮皂角葉却諸病

五月五日繫五色絲懸艾虎解糴飲雄黃酒婦女佩殊

砂袋

鄉間亦有不識角黍者

六月六日曝書曝衣作麴伏日合醬

七月七日夜女子陳瓜果中庭乞巧

中元薦麻穀佐以果羞烈楮墓前

中秋餽瓜餅拜月劇飲

重陽家家食糕間有携酒登高採野菊以歸者

十月一日墓祭畧同清明節唯栽楮象衣焚之名曰送寒衣十五日社祭名曰閉神門

冬至祀先

親友相賀

十二月五日和五種豆及米作飯名五豆粥八日置果飯中名臘八粥二十三日晚設餅飴祀竈逾日掃舍宇除日易門神桃符更春帖老稚團飲爆竹聲達旦名曰守歲

舊志晉之樂戶不知所自始或云前明時承直王府後散居各地其業至今不改夫邯鄲挾瑟河間數百自昔所有然及其一身而止耳未有其人其家別爲一類不齒於國民之列孝子慈孫百世不改者

之爲樂戶者亦有田宅亦有丁徭亦務稼穡亦知勤儉與良民無異而獨驅之爲寡廉鮮耻之徒置之於光天化日之外且有形如嫖母名在籍中一生鯁曠身執賤役者豈不可哀豈不可怪乎 盛世化行俗

美長吏崇厲風教如金陵所謂花月春風十四樓者今皆下令驅逐絕無一人而惟此地之樂戶以其土著行差旣不能驅之遠徙又不能令其改業倚門獻笑無地不有如羶之聚蠅如塹之陷馬所關於風俗人心匪淺渺也有地方之責者誠能革去樂戶名色改頭換面使與齊民一體許以自新誰其下賤就目前而論去數千百之娼家狂且息念地方寧靜就他日而論增數千百之良家拔之苦海永免沉淪此善政之最亟亦陰德之最大者矣 按樂戶已於雍正元年奉

旨嚴禁積年穢習一洗而空拔沉淪於苦海挽風俗於淫靡誠

聖朝盛舉也舊志言頗痛切存之以示垂戒

平陽府志卷之二十一

平陽府志卷之二十一

平陽府志卷之二十一

平陽府志卷之二十一

平陽府志卷之二十一

平陽府志卷之二十一

平陽府志卷之二十一

平陽府志卷之二十一

平陽府志卷之二十一

平陽府志卷之二十一

平陽府志卷之三十

物產

任土作貢貢所產也禹貢八州皆有貢物而冀獨無之
無貢則無產乎產其所不足貢斯謂之無產也亦宜雖
然貨無珍奇致養者貴物無凡近適用者良黍稷種種
之藝葵菽瓜壺之種桃李棗栗之實鷄豚狗彘之畜麻
菅桑屨之植檜栢榆楸之材衣食於是乎出享祀於是
乎成宮室器用於是乎取水深土厚其爲產也多矣平
陽隸版冀州而氣有偏鍾土有偏宜物有偏滋未可以

一郡概全冀也作物產志

穀屬

稷

別名稷關西謂之糜五穀之長苗穗似蘆詩維糜維芑糜即糜音轉也

黍

苗穗與稷同有黃白赤黑

四種米

皆黃俗呼為黃米李時珍曰稷黍一類穀即梁二種黏者為黍不黏者為稷今俗通呼為黍子也今

直名之曰穀脫殼則為粟米亦曰小米李時珍曰今之

粟在在但呼為梁自漢以後始以穗大而毛長粒麤者

為梁穗小而毛短粒細者為粟故唐孟詵

本草言人不識粟而近世皆不識梁也

秫即梁米粟

可釀稻有粳糯二種霍州臨汾襄陵洪高粱一日蜀黍

酒洞趙城曲沃諸縣水田俱種以種來自

蜀故麥有大麥小麥二菽即豆也其種不一有黃豆綠

名種秋種夏收豆黑豆豌豆藟豆豇豆赤豆

刀芝蔴

襄陵洪洞趙城諸縣俱有

蕎麥

有甜有苦

燕麥

岳陽有種者

醴屬

襄陵酒

始於古之劉白墮白墮襄陵人六月以甕酒曝日中經旬味不動而愈香美朝士千里相餽號

日此一名騎驢酒

之詳方技玉露酒醇醪也市者甚劣家釀得法而陳者為佳然不易得

出洪州者尤美

桑落酒太原酒名也郡有倣造者已失遺製矣

翼城酒家釀者亦極美蓮

鬚亦酒名

蔬屬

白菜

一名菘一種莖圓厚微青一種莖扁薄而白葉皆淡青白色

黃芽菜經霜極甘美芥

菜

種類頗多土產惟花芥一種

芹生陸地謂之旱芹蘿蔔

凡三種一根白莖赤一莖根俱赤一

細長而脆胡蘿蔔

有黃赤蔓菁一名獐菁一名諸葛菜

原荳一名胡荳蒟蒻

莧

有紅白紫三種又有馬齒莧灰莧

莧蓬

葱

韭

產臨汾河西者最佳蒜味

生田野而小者曰老鴉蒜生園畦而大者曰胡蒜

薤

山藥

菠稜菜

俗號為赤根菜

經霜甜美

蒿苳

薺

蘑菇

蕨芽

蓴菜

襄陵出

藤花

洪洞出

百合

浮山出

蔣蘿

滴露兒

太平出

龍芽

霍州出

木耳

猴頭

地花

羊肚

以上岳陽出

香菌

翼城出

黃花菜

即金針汾西出

香芋

襄陵出

瓜屬

西瓜

各縣俱產

黃瓜

青白二色王瓜土瓜也本草言之甚詳今俗以月令王瓜生即此誤矣

冬

瓜

甜瓜

萊瓜

青黃二種

絲瓜

瓠

壺

甘者多羹苦者可浮水

南

瓜 俗呼 北瓜 木瓜 茄

果屬

桃 杏 梨 棗 石榴 李 柿 有牛心柿杵柿蓋柿而蓋柿最大皆

可釀酒 葡萄 紫白二色 林檎 似沙果而大色紅氣香 沙果 似林檎而小熟則起沙故名

蘋果 櫻桃 胡桃 松子 榛子 栗 軟棗 以上府境

俱有 薏薺 近水田處有種者形差小而味亦甘 蓮實 銀杏 襄陵出 無花果

木屬

松 栢 枝匾者 檜 二種一曰樹桑 槐 梧桐 楸

楊 葉大而圓者曰青楊葉小而白者曰白楊其材可作屋 柳 楮 椿 香者芽可為蔬 榆

山榆材堅數種葉密而竹有淡苦二種
白榆材脆臭莢名鳳眼
檀 皂莢

檠 棠

樺霍州
冬青曲沃
檉一名西河柳

花屬

牡丹 芍藥 迎春 芰荷 菊各種 丁香有紫白二種 蘭曲沃

縣出 紫荊 紫微 海棠有貼幹垂絲諸種又有秋海棠 夜合 萱草

木槿 剪秋羅 葵花 玫瑰 月季 鷄冠 水紅

即蓼 鳳仙 玉簪 石竹 秋葵 款冬 金盞 旋覆

蠟梅以上平陽府境俱出 探春洪洞 繡球即粉團 馬纓 山茶

花 藍菊 鶯粟以上襄陵 薔薇 虞美人洪洞 六月菊

十樣錦

秋風戲蝴蝶

以上浮山縣出

鼓子花

西番蓮

俱在陽

梔子花

霍州出

桃花

有千葉者

杏花

李花

林檎花

蘋果

花

梨花

棗花

石榴花

有千葉可取故互見焉

以上八種花皆

草屬

苜蓿

蘆葦

荻

茅

艾

蒿

莎

馬蘭

芨芨

車前也

吉祥草

萍

藻

羊蹄根

地錦

牛舌

藥屬

人參

諸山谷皆出與上黨參同

黃耆

岳陽出

地黃

土名婆婆婆裙又呼婆婆乳

藿麥

石

竹花

芍藥

防風

連翹

知母

茵陳

藜蘆

款

冬花

以上平陽俱出

鹿茸

山州縣出

藁本

黃精

甘草

諸山出

酸棗

仁

桔梗

平陽俱出

益母

方莖葉如艾背青對節生其花穗叢簇節上花紫者為益母主入血

分花白者為天麻雖入氣分能散酒麴中用之俗名馬鞭草

蒼耳

一名卷耳

白蒺藜

隨地蔓生

枸杞

府境俱有

豬苓

遠志

大戟

半夏

前胡

五靈

脂

寒號蟲糞諸山俱出舊志作五靈芝非是

麻黃

細辛

木通

紫參

威靈仙

蕨

薇

白薇

五味子

白芷

蕤仁

以上

平陽府境內俱出

龍骨

齒角諸處川谷及水岸上間有蓋龍蛻實非死也

天麻

貝母

柴胡

蒼朮

菖蒲

薄荷

牽牛

黑白二種

荊芥

黃

芩

兔絲子

草麻子

車前子

槐花

槐角

蒲

公英 旋覆花

並出平陽

瓜蒌

天花粉

洪洞趙城俱出

地榆

苦

參 山黃連

參

藿香

香薷

葛根

茅香

沙參

山查

地骨皮

木賊

漏蘆

石斛

鬼羽

箭

桑寄生

金沸草

海金沙

赤石脂

白石脂

天門冬

大小薊

以上俱見岳陽縣志

金銀花

天南星

秦

芫

蛇床子

葶藶子

茴香

薏苡仁

以上俱見趙城志

澤

蘭

洪洞縣出

牛旁子

穀精草

郁李仁

俱曲沃出

芫花

川烏

草烏

以上俱浮山出

京三稜

趙城出

大黃

汾西出

巨勝子

梔子

俱霍州出

石膏

出靈石石磨膏山最佳

麝

翼城等諸山俱出

牛膝

襄陵出

蠶寶

卽馬蘭子

也俗呼馬煉
子平陽出

續斷

平陽山
谷間出

紫蘓

菸

烟草也曲
沃種獨多

皂角

淫羊藿

桑白皮

全蝎

丹砂

岳陽出
不恒有

杏仁

有毒服
者宜擇

羽屬

鶴

鸛

鷗

鷄

鵝

鴨

燕

紫胸輕小者是越燕
胸斑黑聲大者是胡

燕

鵲

黃鶯

鳥

純黑
反哺鴉小而腹
下白

布穀

山老鴉

紅鶉

鴿

鸛

斑鳩

啄木

戴勝

夏鷄

雀

鳶

雉

鷹

鴈

鷺鷥

石鷄

鵲

鷄

蠟嘴

出趙
城

練鵲

出曲
沃

紅雀

金翅

俱出
岳陽

畫眉

杜鵑

鴛鴦

白

頭公

以上
浮山

蝙蝠

毛屬

牛 馬 犬 羊 豕 騾 驢 驢 麋 鹿 麋 鹿

兔 虎 豹 豺 狼 狐狸 野羊 貉 獾

野猪 猫 鼠 有數種 蝟

鱗屬

鯉魚 鯽魚 鮠魚 今鯽魚似鯉食草生江湖 黃鱔

黃鰮 襄陵鰮 俗呼鮎魚 以上瀕河州縣俱有 鱖 曲沃 文魚 盆池

間有蓄者可供清玩

介屬

鯨汾河
 有鱗
 性寒不可食
 螺螄
 蛤
 蝦俱襄陵出

蟲屬

蠶蓄者
 蜂有蜜
 蟬
 蝶
 蟋蟀
 蝻斯
 螢
 螳

螂
 蚱蜢
 蜻蛉
 蜘蛛
 水鷄可食
 蟾蜍
 守宮郎
 虎

蜥
 龍即石
 蛇
 蝎
 蝸牛
 蟪蛄
 蜈蚣
 螻蛄
 蛭

蚪
 蚱蜢
 蟻
 蟻
 蟻
 蟻
 蟻
 蟻
 蟻

壁鏡即
 子
 蠅
 蚊
 壁
 蚤
 白翎即
 子
 蛾
 蚤

土鼯
 鼠負

貨屬

棉花府境俱有曲沃有紅者紙以白麻為之有尺樣雙石炭即石

灰木炭龍霍州尤美銀硃翼城縣出椒各縣俱有土粉汾西三雲村出羊

皮郡境內俱有蜜蠟各縣俱有鎖翼城出紅花黑磁霍州臨汾襄陵翼城

岳陽趙城汾西曲沃等縣俱有白磁霍州出蘆蓆洪洞出

帛屬

絹襄陵縣出布州縣俱出綾帕臨汾襄陵俱出絲麻麻布花布巾

曲沃出綿紬趙城出

金屬

鐵臨汾洪洞汾西靈石俱產

舊志五金皆產于土天地生之原以濟民用而後世採金之地遂爲藏奸之藪致亂之源明季嘉靖間有一道士居夏縣溫泉山私行採煉以自給後漸鬪於人不逞之徒遂相率競取河南盧氏諸縣礦徒蜂擁渡河殺人肆虐河東始有設防之役始有加征之徭夏縣始有駐節之官萬十四年歲荒河南亡命又渡河盜砂爲亂遂又添設平陽衛兵八百名布守河口護防山谷平陸芮城垣曲一帶民不寧居矣萬二十五年差宦官張忠駐夏開採至三十三年因礦盜益熾山南百姓益不聊生始行停止封洞防護軍兵騷擾近礦村落無虛日知縣胡柟申請撤回以省祭官統藥箭手代之是時各省屬俱差宦官採取四方騷動流賊乘釁作亂明遂以亡國朝康熙四十六年二月內有太原陽曲奸棍高華等勾結內務府人德哥等叩闡指稱繁峙崞縣應州寧武夏縣閭喜等處有金礦銀礦銅礦每歲願輸戶部銀二十萬兩自備人工開採部行查詢巡撫都察院噶公禮將康熙十四年以後歷年卷案均屬挖取無砂久奉封

纂題覆高華等又行賣奏

命戶部

郎中赫都押解高華等十人至晉踏勘是年九月初
繁應等處開挖無驗十月初一日戶部郎中赫公都
巡撫都察院噶公禮布政使司永公泰河東道楊公
朝麟平陽知府劉榮通判董紳聞喜知縣江國棟夏
縣知縣蔣起龍帶高華等至聞喜之衛坡卽華所稱
魚坡彎也用人二十名刨挖至夜無銅砂初三初四
復挖二日報得砂二十觔又至夏縣溫峪山刨挖不
見銀砂次日又另開一洞挖二日得砂二十餘觔遂
將所採獲二砂面同部員封固還省覓匠煎煉並無
銀色雖有銅星不成分數于是將高華德哥等交部
員押解回京覆奏奉

旨將高華議罪發落礦洞永行封塞此三晉合省士民感戴

天子之聖明而蒙庥于萬禩也夫有明開礦之害如彼我
朝封礦之利如此况平陽三十四屬惟產鑛鐵實不
產金銀銅錫而奸徒屢行妄挖其意不過欲效盧氏

之續耳非

聖天子之睿照萬里當事之一力主持惡能保其無意外
之慮哉後世有封疆民社之寄者鑒往察來熟籌利
害則地方永受其福矣按河東鹽鐵之利自昔已
然鹽則近屬解州鐵雖恒產而不及太原澤州大同
之爲勝至金銀銅錫丹砂之屬縱舊傳聞有而資用
者絕火山澤孕毓之物有時衰息亦如爾雅稱西方
霍山多珠玉至今絕無不可拘泥舊聞也舊志載奸
人詐妄事特詳雖非平屬事而垂鑒後世良多裨益
乃之以備考証焉

平陽府志卷之三十一

古蹟

平陽古多遺跡堯城雙闕貳室康衢歷年久遠不無傳
會况佛峽仙洞旁見雜出者乎縱使博聞有自而陵谷
改觀卽起古人而問之恐未必復能辨識矣顧吾觀好
古之士寄意憑吊搜尋邱壑摩娑碑碣荒烟蔓草目爲
宮闕深山險磴指曰幽居子長作史記黃帝堯舜一一
求得其處而至焉非獨侈異聞或亦各有取爾也矧近
在一郡其敢闕諸神聖里居名賢遊歷未必皆其故處

存而不論竊附於地以人傳之義作古蹟志

臨汾縣

蒼頡故宅

南關西今西趙村

帝堯茅茨土階遺址

府城南十里許帝堯故里名伊杜

禮城

城東相傳堯妻舜二女之地

擊壤處

城北三里相傳堯時席老師擊壤歌處

康衢

城東北五里堯避康衢聞童謠處今名康衢村

演馬場

伊村南相傳丹朱演馬于此

雙闕

許由欲觀帝意謂堯曰帝坐華堂之上而雙闕之下君榮願已得矣堯曰吾立於靈扉之內罪然

靈生騰坐於華堂之上森然而松生棟雖面雙闕無異
崔巍之冠蓬萊雖背重郭無異回轡之縈崑崙子安知
其所以不榮乃
美由而師之

五府

杜佑云唐虞祀五帝于五府 牛 云黃帝合宮
堯五府皆明堂也 尚書帝命駿帝者承天立五

府以尊天象蒼曰靈府赤曰文祖黃曰神計白曰顯紀
黑曰元矩注唐虞之天府夏世室同矣

堯井

堯廟殿前相傳堯建都時所鑿今覆以亭

貳宮

一名貳室 孟子帝館甥於貳室朱子注貳室副
宮也 世紀帝見舜處之貳宮又曰二女妻舜為

築宮室

封之虞

高粱城

府東三十七里高粱都程黃里 魏地形志平
陽縣有高粱城 左傳僖公二十四年殺懷公

於高粱杜預注高粱在平陽楊縣西南 竹書紀年晉
出公三十年智伯瑤城高粱又名梁墟 綱目質實云

絳州西五十里有高粱縣後周伐齊齊主與馮淑妃奔高粱橋即此

犇氏亭 太平寰宇記晉御犇采邑

董亭 左傳文公六年春晉敗龍于董杜預注河東臨汾縣有董亭後漢志同

賈鄉 博物記臨汾有賈鄉賈伯邑通志按左傳晉獻公娶于賈杜預曰賈姬姓國也又晉大夫有賈季

狐偃之子狐射姑也蓋為晉所滅遂為狐氏之邑云

平陽古城 隋志後魏置平陽郡及縣開皇初改郡為平河縣曰臨汾舊唐志貞觀十二年徙晉州

治於平陽古城

鄧子坡 城西南即伯道棄子留姬處

劉淵城 府西南二十里晉永嘉末淵僭號初據蒲子後梁比為陶唐金城即之今金店里遺址猶存

白馬城

府東北二十里魏刊白馬而築之故謂之白馬城元魏及唐晉州皆治此

焦堡

府北五里吳將軍焦休馨建城蹟尚存

金龍池

城西南三十里平水上永嘉中有韓媼者野中見巨卵持歸育之得嬰兒字曰楸兒方四歲劉

淵築平陽陶唐金城隨築隨壞不能就募能成者楸兒應募變為蛇令媼遺灰誌其後謂媼曰憑灰築城可立就竟如所言淵怪之逐蛇至平山之麓入山穴中露尾數寸使者斬之忽有泉出穴匯為池遂名金龍池

清音亭

西北平水上龍子祠前元毛麾康澤王廟碑邑宰王公增葺溪上舊亭顏曰清音取選詩山

水有清音之意明張昌詩清音亭上春無限且放滄浪入管絃

煉礬務

礬山務胥宋置

七星臺

城北會仙觀內

大中樓

府城中舊名中樓俗名鼓樓洪武初國子助教張昌扁其四面東曰太行形勢南曰雲天咫尺

西曰河山一覽北曰中州雄鎮後人取其一名河山一覽樓康熙三十四年地震傾圮四十五年知府劉縉重建更

今名

蓮池

府治推官舊宅東水自北穿城而入池之中央有苑在亭池東小閣嫩柳新蓮霜欄雪砌自公之暇

時晏息

焉今廢

逍遙園

漢王聰為劉后娥起鶚儀殿陳元達進諫聰怒欲殺之聰在逍遙園李中堂娥手疏上言聰納

之更命園曰納賢

園堂曰愧賢堂

待旦軒

府治內元判官王惲建

寶翰樓

府學明倫堂後

稅駕堂

府學大成殿後宋黃廷堅書扁

冀莢亭

西南十里伊村里堯時冀莢生于庭有帝堯古像里人懸閣上祀之

舊志內

梯雲樓

在縣學儀門外

水雲樓

潞河渠上邢雲路詩一水雲連下遠空登樓人在水雲中

觀瀾亭

潞河渠上明邢雲路詩高亭軒豁俯汀洲

姑射山南洞古碑

張方杲遊二仙洞記洞旁有碑光可以鑑按之唐物也字畫甚精

平臺

在潞河渠流膏洞上

元重修堯廟碑

至元五年翰林直講學士王磐奉勅撰文

元康澤王廟碑

卽平水神祠毛麾撰文

吳道子水陸畫軸

在城西普安堂水陸社計百二十軸社之得名以此相傳明世宗朝西河

郡王于城北廢寺遺址中夜見奇光掘地得石函發之又得錫函其最中函以木木函啓而畫軸見乃吳生筆也後嗣王以授揮使呂呂氏家落僧以常直得之搆殿以藏焉王士祿有歌并序見藝文

襄陵縣

卻犇城

縣東南晉大夫卻犇食邑其地有卻氏鄉亭王莽更名曰幹昌今遺址尚存

乾城

北魏志擒昌縣有乾城

擒昌故縣

北魏志即漢晉之北屈也神麤元年擒赫連昌置擒昌郡真君二年改爲縣唐改名襄陵

班氏鄉亭

漢地理志襄陵有班氏鄉亭

平水故縣

金興定四年徙置汾河之西從平陽公胡天祚之請也

故關鐵冶

在京安鎮元設提舉司今廢

許褚堡

縣西南北許村三國時建今四門遺址尙存

伯道故居

縣東南鄧莊有遺愛橋伯道所建

太平關

縣南京安鎮後魏太平真君年間立

秦王駐蹕處

縣東南安李村唐太宗常駐兵於此

職田莊

唐尉遲敬德耕處今齊村有溝名職田

宿水店

縣西南卽縣舊治宋天聖初移治晉橋

王元輔古宅

明禮坊街北金時宅改爲天真觀後改爲按察分司

訓義門

縣東張相村元至元三年蒙溪先生張著定名撰記

西花園

興義坊元時縣人楊姓者闢地爲之引晉水經流其中時以花木創爲亭堂池館明洪武間改

爲按察分司

後改察院

玉香亭

縣治南三十五里故關鎮金火廟之前元延祐三年鐵冶都提舉滕世榮建

翠雲亭

縣治西按察司元建

愛橋

縣東南鄧莊世傳鄧攸建元大德六年重修改名適愛橋

元封從仕郎靳公墓誌銘

進士正平尹柱撰文

洪洞縣

倉頡師曠城

元和郡國志倉頡與師子野所造路史

之注祥符故浚儀縣

卽春秋之陽武故高陽鄉也有倉頡城陳留風俗傳縣有倉頡城及列仙之吹臺也

道記開封縣東北二十里有倉垣城及廟墓輿地志
城隍汴西北有倉頡墳城列仙臺時宜無城或後世緣
其所都名之耶然按姓纂倉頡氏馮翊人則其後世氏
倉頡者為之爾皇覽云墳高六尺學書者俱往姓上
投刺祀之不絕九域志鳳翔有倉頡廟今長安西南二
里官張村有三寺者記為倉頡造書之堂斯亦未然豈
亦馮翊者為之與

羊獬故墟

縣南二十五里相傳堯時羊生獬豸故名里
周圍多細沙草木不生按述異記獬豸者

一角之羊也性知人有罪臯陶治獄其罪疑者令羊觸
之

棄瓢池

在九箕山相傳許由隱於此有洗耳棄瓢遺址

楊城

縣東南十五里范村又名危城村即春秋時楊侯
國晉叔向所築漢為楊縣王莽更名有年亭

擒昌廢縣

縣東南二十四里後魏太武擒赫連昌因置
縣高齊省

洪崖古洞

洪崖在縣南一里古洞在縣北五里縣以洪洞鎮名鎮以洞名

煉丹爐

縣東二十里蜀村東韓仙君煉丹于此

臯陶里

南十三里臯陶村有塚存

師曠故里

東南二十里師村里名昉此師村東北有師崗古洞

高粱亭

史記齊桓公率釐公討晉亂至高梁而還即其地應劭曰高粱晉地在平陽縣杜預傳曰

高粱亭在楊縣西南地道記梁城去縣五十里叔向邑

通幽橋

在城西百步許西藍寺內西南隅

雪香館

城內西街西今廢

宜雨亭

在羅漢院宋至治時建楊柳影密雖雨亦宜故名

雪香亭

橋西北竹梅交映

邃綠亭

雪香亭西長楸翠梧日光不到

花心亭

邃綠亭南多異卉

月波亭

花心亭東南面水

流盃池

月波亭中鑿池屋其上

環碧亭

四周環水

寒翠軒

松竹森蔚 以上八條俱在羅漢院內今廢

金師曠廟碑

大定初趙廣聰撰文

元贈萬戶翼千戶楊德明墓碑

南三十里高村編修許儼撰文

元晉寧路總管府知中勲驍騎尉洪洞子石元亨墓碑

東二里學士

揭傒斯撰文

元太原郡侯郭公墓後碑

東三里侍郎韓肅撰文

浮山縣

老君遺跡

孫景文天聖宮紀事碑唐武德二年老子降於平陽神山縣龍角山之根子樹下語人曰

爾為吾言於唐皇帝吾即汝之遠祖也已大勅陰兵助汝破賊乃命有司於所見之地建立祠堂改羊角為龍

角山改浮山

為神山縣

羊角故址

本羊角山唐武德間更名龍角其東峰有左伯桃廟西峰有羊角哀廟

故郭城

縣西南十里故縣村三面險絕惟東面平坦舊志載神山縣故郭城是也又名丹朱邑

飲馬泉

縣南三十里朱村相傳并朱飲馬處

乾壁

魏道武天興六年後秦安北將軍姚平率衆四壁來侵平陽陷乾壁

霍光別墅

縣北諸葛河西流爲丞相河蓋以霍光別墅名也今南霍村有故里

平寧里

縣北十五里漢光武令鮑永安集河東破青犢賊既平還報光武曰賊已平國已寧因賜其鄉

爲平

寧里

諸葛村

魏諸葛誕寓此遂占籍焉

歲寒亭

縣東堯山祠中金皇統中縣令牛承直建

煙霞閣

城南三十五里天聖宮內金建

深思堂

縣治內元大德間建

蔡維翰故宅

縣東北五十里夾榆村

唐慶唐觀碑

南三十五里開元十四年秋七月詔改浮山老君廟為慶唐觀御書觀額及碑文賜

之

唐慶唐觀金籙齋頌碑

朝議郎左拾遺內供奉博陵崔明允募通直郎河南府伊闕縣

丞集賢院待制兼校理御書史惟則書時天寶二年也

玉兔寺現身羅漢遺語碑

風穴山禪藥庵後周顯德五年歲次戊午閏十月學究王

福新

撰

訓廉銘

訓刑銘

胥宋石刻在退思堂

天聖宮事蹟碑

宋天聖五年夏四月詔改慶唐觀為天聖宮熙寧辛亥冬孫景文撰紀

宋慶唐觀重修功德碑

淳化元年三月二十九日朝散大夫試大理評事張昭舉文林

郎前守主簿兼權知縣事黃元轍文林郎守主簿孫方制權知縣尉事李太素建鄉貢進士王千里撰雲水道

士黃慶書

宋玉兔寺碑銘

天聖八年歲次庚午五月十六日太原安石撰文當寺修造主持東京右街講

論大德志

應立石

宋玉兔寺詩碑

有三一七言絕二首推忠佐理功臣金紫光祿大夫行尚書吏部侍郎知樞密

院事上柱國王隨題景祐三年九月望日當寺修造主講經論沙門志應立石一七言律一首尚書刑部郎中直史館賜紫金魚袋康孝基題天聖八年十月十五日寺僧志應勒石一五言律十韻朝請郎守尚書度支員外郎充集賢校理知解州軍州兼管內勸農提點兩池事輕車都尉賜緋魚袋張仲尹題有小序明道二年中

秋日寺僧
志應立石

宋天聖宮禱應詩碑

新授江南東路諸州水陸計度轉運使兼提點鑄錢等公事本路勸

農使朝請大夫行尚書虞部員外郎上柱國賜紫金魚袋王惟正留題天聖九年閏孟冬月都監賜紫衣道士

段見素
立石

宋重修孚祐大將軍廟記碑

羊角山南峰開寶六年校書郎李翰撰

宋重修玉兔寺鐘樓碑

紹聖三年歲次丙子十月己亥朔十五日辛未修造主持沙門

義隆立石
陽衛京撰文

金重修帝堯廟碑

堯山之巔皇統三年歲次癸亥正月三日高平郡范橐撰文

金龍祥觀重修天壇三清廟碑

泰和壬戌正月晦日新仕郎隰州某縣主簿

時可撰文定遠大將軍行平陽府浮山縣令兼管勾
平倉事上騎都尉天水縣開國伯食邑七百戶趙某并
篆額進士李彬書
丹進士劉著立石

金重修紀聖碑亭記碑

明昌三年壬子歲季夏月望日
承務郎前太常博士兼校書郎

雲騎尉賜緋魚袋致仕平水毛麾撰鄉貢進士孔之固
書丹

陶唐清都萬壽宮事蹟碑

元元素子孫志元建至元二
十九年二月吉日教諭王庭

撰文

趙城縣

伏牛臺

縣東三十里伏牛里俗傳伏羲服牛乘馬始于此
臺下有卧牛坑

八角井

侯村里其井八角諺以爲媧皇氏飲馬之水朝
不滿二尺至夕常盈人不敢汲

趙簡子城

東北三里周四里 史記趙世家造父取翼之乘匹與桃林盜驪黃驊騮綠耳獻之繆王

繆王使造父御西巡狩見西王母樂之忘歸而徐偃王

由此為趙氏 正義晉州趙城縣即造父邑也春秋時趙簡子居之唐麟德初徙縣西南汾水之左故城址存

豫讓橋

南十里金狀元王綱有詩明正統六年重修學士倪謙撰記

飛虹塔

霍山南麓後周保定元年僧法江建阿育王藏舍利處明永樂間修正德間僧達連重修高三

百六十尺

極其壯麗

說法臺

霍山頂休糧寺旁有方石臺俗傳休糧菩薩於此說法旁有五小臺為龍王聽法之所

拴虎石

說法臺下菩薩與人糧虎阻之因此拴虎休糧

打鼓泉

休糧寺左泉水湧出其聲如鼓

五女原

世傳姊妹五人並昇仙址存

出佛峽

城西樊村山下俗傳寒山拾得現身於此

九仙洞

縣北十五里五女原西懸崖高數千尺與汾水濤聲相應如有仙樂奏焉

古石人

在益昌舖旁有二石人昔唐尉遲敬德先有故主劉武周復仇追世民至此見二農夫問世民何往一不應手刃之一指之獲免乃前二石也今石有一立一僵云

環翠亭

縣治內元平陽守王暉明薛瑄王翰胥有詩

寒翠軒

天寧觀內金翰林學士田天澤元廉訪副使秦鏞胥有詩

唐新修女媧廟碑銘

山南西道節度掌書記將仕郎守右補闕上柱國賜緋魚袋裴麗澤

奉勅撰翰林院侍講總議大夫太子洗馬同正張仁愿奉勅書天寶六載歲次丁亥十一月十六日勅建

唐勅修應聖公祠堂碑

正議大夫守刑部尚書兼判左丞上柱國賜紫金魚袋鄭瀚奉

勅撰遊擊將軍守左金吾衛將軍驍騎尉賜紫金魚袋李執方奉勅書開成二年正月十八日勅建

宋重修應聖公廟碑

節度判官朝議大夫檢校戶部尚書兼御史大夫柱國賜紫金魚袋

間光度撰節度副使光祿大夫檢校司空兼御史大夫上柱國清河縣開國公缺食邑百戶張仁藝書乾德五年

歲在丁卯四月乙巳

巳六日甲子記

金重修應聖公神祠碑

宣武將軍行縣令仇守中撰狀元及第邑人王綱書大定二十

八年九月二十日記

金重修媯皇廟碑銘

邑狀元及第翰林院修撰王綱文

元徐毅神道碑

在石明里許文正公衡撰文

元李忠孝感碑

在營田里忠性孝謹大德癸卯秋八月河東地震營田東北山摧阜移忠宅獨

完李宗懷為立孝感碑

太平縣

古晉城

南二十五里故址周九里十三步晉獻公都此左傳莊公二十六年夏士為城絳以深其宮

史記獻公八年城聚都之命曰絳晉始都絳

太平城

齊城

北魏志太平縣有二城

太平故縣

北二十五里後魏真君中自晉城移臨汾縣置此因關為名曰太平魏志真君七年置

太平縣

唐貞觀七年徙縣於敬德堡今名故城鎮舊

志太平

古城有二一在縣北二十五里今為古城鎮其

北即太平關也一在縣東三十里即移於關東者後改

為北固縣

三室之邑

古晉城東十里羊舌職好直不容於晉去而之三室之邑邑人攘羊而遺之職受而埋之

墟陰後事敗吏發而視之舌尚存今名羊舌坊

九層臺

古晉城東說苑晉獻公築九層之臺荀息諫曰臣能累十二碁子加卵於其上公曰危哉

危矣公遂止其役今遺址建涼馬寺明王體復詩霸迹

舊城隈崇巖尚有臺

鬪鷄臺

縣南三十里楊威村晉公子鬪鷄處

園羊城

縣東南三十里永固村晉園羊之所

蒙坑

詳見關津

屠岸賈城

縣東南二十五里

公孫杵臼窖縣西北二十五里蟠道村

韓厥旗架

在縣西六里厥店廟前以石爲之

白波壘

縣東南三十里漢黃巾餘賊郭大於汾河西白波谷築壘以寇太原今名永固村

子奇壘

縣東三十里臨汾里後秦王姚興遣弟子奇率四萬人伐魏攻平陽陷之遂據柴壁魏軍大至截汾水以守之子奇大敗投汾水其將狄伯支與其兵皆爲魏所擒今壘上有村曰柴莊

尉遲封邑

西北十五里尉村相傳村以封邑名蓋敬德封鄂國非楚之鄂也晉有鄂侯鄉寧爲古鄂

地境內有鄂山鄂水敬德食實封千三百戶此地與鄉寧接故土人又名爲職田莊又縣東五里相傳有敬德

飲馬

路

文中子土龕

在縣東南汾水之西龍門溝北昔文中子讀書於此其洞深廣二丈餘號文中子洞

白牛溪

唐史稱王文中居白牛溪教授門人甚衆今邑東南三十五里萬王村有文中墓墓旁有龍門

溝溝中雖溪流已絕而流水故跡蜿蜒可尋其旁又有文中土龕則所謂設科授教地也意昔之名白牛溪者

卽此

桃花洞

縣西北二十五里蟠道村北洞一桃樹自石中出其花先放香艷異常

家姑洞

縣西二里昔家氏女修行於此

龍谷水

在縣南三十五里南柴村經流絳州左傳云龍見絳郊卽此

宋祚德三侯廟勅碑

元豐四年七月詔封晉崔嬰成信侯杵臼忠智侯賜勅建祠崇寧三

年又封韓厥

爲義成侯

岳陽縣

唐堯城

縣東八十里世傳堯築城於此以棲民遺址尚存

合陽城

魏志建義元年置有合陽城隋省入冀氏縣

穀遠故縣

漢志上黨郡有穀遠縣莽曰穀近

冀氏故縣

東南一百三十里北魏建義元年割榆昌襄陵置冀氏縣及郡有冀氏城舊唐志本漢猗

氏縣地後於古猗氏縣城南置冀氏元省入岳陽今名

冀氏里

安澤故縣

北魏志建義元年置隸義寧郡隋大業初改岳陽

和川故縣

東九十里後魏義寧縣隋改和川後廢唐復置屬沁州宋屬晉州元省今名和川里

冀缺故里

相傳冀氏城後魏置縣

岳陽樓

縣治前東偏

曲沃縣

軒轅遺蹟

東北喬山中峰有軒轅廟相傳喬山即橋山今省作喬

桐鄉城

縣西南四十五里驛橋村

陘庭城

縣東北十里庭城村 左傳桓公三年晉武公伐翼次於陘庭

王官城

縣西南二里晉景公謀去故絳徙居新田即此

故鄆城

曲沃南二里雍子邑

古鵠邑

李延寶曲沃辨唐風揚之水篇從子於沃從子於鵠解之者曰沃曲沃也鵠曲沃是也今沃南

十里有安鵠村

即古之鵠也

絳邑

東南二里 水經注晉景公謀去故絳居新田謂之新絳即絳陽也 漢高帝六年封毌繆將軍韋無

寧為
侯國

太子陂

北五里世傳晉太子嘗以舟戲陂中而沒後水
决得骸卜高卑而葬焉建太子祠縣志縣北

十里距陂百武即荀息

故里太子蓋奚齊也

九原

縣東北堰底村
即此或云在絳州
桓弓趙文子與叔譽觀於九原

固宮

左傳襄公二十三年欒黶帥曲沃之甲以晝入絳
范宣子奉公以如固宮杜預注固宮宮之有臺觀

者
守備

虎祁宮

左傳晉作虎祁宮而諸侯叛
水經注宮在新
田絳縣故城西四十里地背汾面澮西則兩川

之交會
址存

平公故梁

水經注曰虎祁宮北橫水有故梁截汾水中
凡有三十柱柱徑五尺裁與水平蓋晉平公

之故梁也

趙莊

西北三十五里趙文子食邑也或曰卽藏趙孤地

羊舌大夫故里

距縣二十四里今羊舌村

欒盈食邑

西十二里今盈村

河上故村

東北二十里河上村相傳河上公結茅處有漢文帝廟

蒙坑

縣北四十里蒙城鎮北通志按魏書將軍安同曰臣受遣詣絳見汾東有蒙坑東西三百餘里徑

路不通又五代時王峻引兵趨晉州晉州南有蒙坑之險峻憂北漢兵據之聞前鋒已過喜曰吾事濟矣卽此

樂昌

縣南七里後周明帝移縣治於樂昌堡卽此

新店

至德二年郭子儀與賊嚴莊戰於曲沃大破之

太平館

元時建勦梁劉尚質觴求地

郝修已故居

在紫金山元末卜蔡明初擢明經第一歷官刑部郎中以清介賜居紫金山呂乾健

有記

白石樓

在景明白水兩村間明李鎮構於白石山有西溪白雲洞翠微岩桃花塢諸勝

梅月亭

縣南濟溪上昔廢今復

後漢張壽碑

宋歐陽修書後右漢竹邑侯相張壽碑云君諱壽字仲吾其先晉大夫張老之裔舉

孝廉除郎中給事謁者遷竹邑侯相建寧元年卒其大畧可見者如此其餘殘缺或在或亡亦班班可讀爾

魏賈逵碑

宋歐陽修書後魏志逵傳逵為絳縣長為賊郭援所攻絳人與援約不害逵乃降而此碑

但云為援所執臨以白刃不屈而已頗疑陳壽作傳好奇所得非實也裴松之注魏書逵五十有五而碑云五

十有四亦當以碑為正嘉
祐八年十一月十四日書

靈光寺碑

唐王勃撰 縣志寺中有王勃所撰碑 通志按碑泛論佛法非為靈光寺作也

唐許孝恭墓誌銘

在高縣鎮孟楷撰文

宋史緒墓誌銘

在常安村王居正撰文

宋甯智墓誌銘

望絳村王巖叟撰文

元李謙亨墓碑銘

南二里李木魯翀撰文

元靳孝子碑

學士揭傒斯撰文云孝子名昺字克昌兵部尚書西河郡侯德淵之子天元年與

其兄榮護母喪還河東過平定之平灘霖雨驟至兄及旁人皆呼使下車昺伏柩呼號卒不下遂溺死後十年奎章閣大學士沙剌班以聞天子命翰林待制臣傒斯文其事於碑以為世勸

元靳和墓碑銘

曲村鎮狗獾斯撰文

翼城縣

唐城

縣南十五里唐城村丹朱所封之都也

九門城

堯臺

元豐九域志翼之堂陽有九門城堯臺

姚墟

朱子綱目舜生於姚墟因以為氏在北門外水清

晉城

即故城村成王滅唐封弟叔虞於其地至子燮改號曰晉即故都也遺址猶存

翼故城

縣東十里絳邑東八十里

翼廣城

水經注晉軍北入翼廣築之因即其姓以名之

翼城故郡

舊唐志義寧元年以廢北滄州之翼城絳置翼城郡武德元年改滄州二年改北滄州四

年州
廢

避暑城

即古暑村晉文公所築俗呼為廉王避暑城又云廉將軍避暑處

熒庭城

縣東南七十五里左傳襄公三十三年齊侯伐晉取朝歌為二隊入孟門登太行張武庫於

熒庭

水經

注為榮庭

新安故縣

漢置後魏孝昌中屬北絳郡後齊廢入北絳縣

小鄉故郡

北魏志建義元年罷有小鄉城唐志義寧元年復置武德九年省入翼城

武子莊

魏武子食采地也左傳晉獻公滅魏畢萬為右即以此魏國之卜偃曰畢萬之後必大萬盈數

也魏大名也以是始賞天啓之矣萬孫名犇為魏武子世世食采於此史記正義云魏在陝西城縣北

息城

即三張村鄭太子所封後名壽城

皮牢城

即牢寨村 史記周顯王七年敗韓趙之師於皮牢遺址猶存

金鈎店

秦昭襄為太子質於燕過鄭太子舍妻矚其非常人食以鬪鷄夫張唐怒責之昭襄聞而詰之

妻諱言夫以為宜烹羊也

昭襄解鈎遺之在中唐村

河上翁街

壽城村翁市藥處

子城

在什級里世傳漢光武太子駐師處西北有武塲營盤草塲遺址

隆化城

北齊隆化元年周武帝取滄州置鎮金興定三年置隆化縣元憲宗二年廢今隆化村

北絳城

在北絳村後魏置縣孝昌三年北絳郡治此隋開皇十八年改為翼城址存

王逢寨

唐武宗會昌間逢屯兵處即今縣城

瓜子纏

俗傳老子曾食瓜處也子落皆成石瓜子其形宛然在縣南五十里北陽坂下

南營

元木華黎帥師駐此在邑西南隅

河亭

按察分司東天聖六年文潞公令翼時所建臨城堞欄澮溪遠挹山光林木森布翼之勝概此亭爲

最潞公親書名記猶存一云在藩署內

潞公臺

有二俱在院署臬司後明嘉靖中縣令鄢桂枝建樓其上少參吳廷相詩解鞍虞叔國脫帽潞

公臺

東園

縣治東北宋宣和六年縣令向滄建有靜樂軒錦江亭邀月臺登翠亭五柳亭邑人丁彥卿有記今

俱廢

阜民廳

宋宣和縣令李察所建也在東園內丁彥卿有記云朝奉郎開封李公察元明爲翼之二年改

成訟簡鉅細咸有規法因視宣勅書之所向敝不葺遂遷少西而一新之卽其東南數十步許旋剺除乾

增卑附薄爲屬于其上表其洞達無有障蔽名之曰阜
民蓋取歌南風以阜民財之義也次年秋公謂其邑民
丁彥師曰物之成毀事之廢興雖曰有數存乎然不可
以不書子其爲我記之彥師乃復於公曰民爲邦本財
又所以聚民故周禮設六鄉其歸以阜成兆民仲尼適
衛語冉有以旣庶而富下逮漢世始侯用子秋以富民
縣令尤親於民而師帥則民財之阜固當爲已任
也南爲長養之方溫厚之氣所在其風之薰蒸發越萬
物茂遂君子之爲政也簿書期會乃其餘事惟是惠愛
及民家給人足然後可以無憾焉公自始下車訪民病
苦勸課農桑仁厚之德薰然四達和氣致祥歲比豐稔
民以富媚則阜民之實顯在茲乎若夫春色方濃東望
花谷紅紫間發高下映帶秋水時至下瞰古澮波濤騰
湧烟霧晦冥觀行人之隱顯揖讓之遠近時與賓客
僚吏飲酒賦詩樂斯民之易治則其所得有不可勝言
者矣嘗謂山水登臨之樂所在固亦有之然或遠於城
邑或二者不兼自昔好事者每以爲患翼城僻在一隅
廨枕溪水東南山亦不踰一舍前令所經營游息之處

多矣而慮不及此豈非造物重惜以發公愛民之誠乎
使天下之爲令者如公之用心則吾民受賜厚矣遂退
而爲之記

瞻遠亭

縣治內元時建

翔山書院

在城同穎坊明崇間縣令李士淳捐貲建
邑進士史起明撰記

銅源錢坊

翔阜錢坊

唐地理志翼城有錢坊二又縣
北三十里曰蜀山相傳鄧通鑄

錢處

通志按唐元和志銅山在雅州榮經縣北三里

郎文帝賜通鑄錢之所後以山假阜王孫取千匹今出

銅鑪其不在山

西瞭然無庸辨

宋潞公軒記碑

郎河亭官和中縣令李元儒記潞公治
翼修河亭於縣事之後親書歲月榜於

屋楹後更以國爵名軒以推之天聖六年戊辰越政

七年丁酉凡九十年矣其蹟尚完謹

石以傳不朽金學士鄭元判官王惲學士郭西塾
訪僕玉立并貞庵凡四人

張懷器去思碑

唐盧照鄰撰嗣聖元年為翼令天授二年奉勅進階邑人樹碑

鄭太子墓碑銘

縣西雲塘村唐范陽盧照鄰撰文總章元年歲次戊辰五月甲申一日立石

宋華池廟記碑

羊角山南峯宋開寶六年重修校書郎李承翰撰

宋重建文廟碑

天聖八年潞公文彥博撰

宋重修喬澤廟碑

在樂池前政和元年邑令田顥撰

元裕公和尚道行碑

在金仙寺後移后土廟翰林學士承旨榮祿大夫知制誥兼修國史

趙孟頫撰并書篆延祐七年歲次庚申小春日住持僧智恩智真智信文勲立石

汾西縣

汾西故郡

隋志後魏置開皇初廢

新城故縣

隋志後周置開皇十年省入汾西

申村堡

舊唐志汾西縣隋末陷賊武德初權於今城南五十里申村堡置縣貞觀六年徙今治

九仙洞

縣南六十里見山川

洞泉

縣東十五里懸崖之內有石洞一深五丈餘內有清泉丈許崖上建觀音閣子孫堂六月十九日四

方男婦焚香祈

嗣禱無不應

石佛崖

縣北三十里見山川

厚義村

明一統志唐開元後徙縣治於厚義村

東閣

縣東李安莊

銅鞋

青山藐姑仙人祠旁有蓮花洞遺銅鞋一雙古色斑斕制度精異今存

元重修青山廟碑

皇慶元年壬子仲秋二十有六日隰州學正孫文通撰文在縣西青山藐

姑真
人祠

靈石縣

神林

縣東三十五里綿山之麓晉文公求介之推弗得縱火焚之推抱樹死樹名黃蘆惟此山獨有俱半

榮半枯鄉人即其地廟

祀之天旱禱雨多應

樂室

縣東綿山之內四壁高峻中有平原相傳晉錮樂盈於此

魯班纏

縣西南四十里地極嶮巖上有寺相傳魯班所修寺後石穴深幽不敢入有大風自中出四時

不息或以

風洞云

瑞石

在北門外高六七尺玲瓏類太湖石相傳隋文帝所獲石卽此其文今不可辨或云鎮北門水患者

韓侯嶺

在縣南二十里漢高帝征陳豨於代呂后殺信未央仍遣人函首送帝值帝返兵此處遂葬其

首於嶺上後人卽其墓立廟祀之相傳塑像卽其遺首云

英雄相遇處

卽小水鎮初李靖謁楊素於西京素侍婢紅拂妓來奔靖携之行旅寓靈石卽舍中

與虬髯公相遇各言其志以義氣結爲兄妹相與訂盟仍約同詣太原因劉文靜訪謁文皇虬髯公一見文皇志意阻喪遂與靖共入京師盡以寶貨泉貝贈之謂之曰李氏英主三五年內卽當太平持予之贈以佐真主贊功業耳後十年東南數千里外有異事乃吾得志時也別去靖據所有爲豪家助文皇起兵貞觀十年虬髯公果殺扶餘國王而自立舊有祠在西嶽廟內年深圯壞萬曆四年重修

老生寨

與秦王嶺相對宋老生築以拒唐兵處唐攻霍邑爲老生所遏兵不得進因神語從間道進遂

破之神
霍山神也

秦王嶺

在縣西南三十里唐太宗取霍邑駐馬於此今馬蹄跡尚存

漁鼓洞

雙白里深靜村擊石聲如漁鼓故名

聖松樹

在文殊原高四丈相傳文殊坐現于此

文學里

西四十里有卜子祠

陰地關崇徽公主手跡

李山甫詩一掃纖痕更不收翠微蒼蘚幾經秋誰陳帝子和番

策我是男兒爲國羞寒雨洗來香已盡淡烟籠著恨長留可憐汾水知人意旁與吞聲未忍休

贈尚書虞部員外郎文府君墓誌銘

在孝義原宋明道中文潞公撰文

淮陰侯廟碑

南二十里元至正庚子集賢學士歸暘撰

介廟牡丹

廟中牡丹數本枝幹碩大每開時花皆紅色有白花一朵開無定處人以爲神不敢輕折

霍州

彘城

州西三里水經注曰汾水又南過永安縣西故彘縣也周厲王流於彘卽此城王莽更名黃唐城漢

順帝陽嘉三年改曰

永安縣霍伯之都也

夏王城

州東四十里東城村夏王赫連勃勃城基址微存

呂州城

汾河西隋志開皇十六年置汾州十八年改呂州竹書紀年晉獻公十九年號公醜奔衛

乃命瑕父呂甥邑於號都城志云北號也非彭城東

五十九里之呂博物記永安有呂鄉呂甥邑古今

地名記同唐武德三年宋金剛食盡北走秦王世民

追破尋相於呂州郡縣志霍邑西南十里有呂城

紀聞云霍邑古呂州卽彘也唐爲呂州彘卽永安其城

甚固圖目實實云故城在霍州四三里

神指徑土橋舊通志作十里徑東三十里即霍山神指

先鋒臺城東北唐高祖起義兵時授太宗以先鋒或此所築也

避暑宮州南五十里霍山上夏王赫連勃勃避暑處其墓在焉

永安故郡隋志後魏置并置永安縣開皇初郡廢改縣曰霍邑

霍求公故居水經注晉獻公滅霍趙夙為御霍求公奔齊晉國大旱卜之曰霍太山為祟使趙夙

召霍君奉祀晉復穰蓋霍求公之故居也

觀阜故百邑也原過受竹書於王澤趙襄子齋三月剖竹有朱書曰予霍太山陽侯天使也三月丙戌

予將使涉反滅智氏女亦立我於百邑襄子拜受之遂滅智氏祀三神於百邑使原過主之世謂其處為觀阜

仇池壁北魏志正始二年復置永安縣治仇池壁

聖馬跡

西南十五里相傳尉遲恭追太宗躍馬於此兩岸上有馬蹄遺跡

唐西福昌寺碑

許敬宗撰文

隋宋老生墓詩碑

東二里宋提刑御史張商英弔之詩勒碑

平陽府志卷之三十二

陵墓

過墓生悲人情乎然而藏者異則人心變矣聖君賢相
忠孝廉節之傳德有餘馨則寒山片石人各起而爭之
若夫奸雄腐骨遺臭萬年一抔僅存指唾猶昔曾不得
與庸碌者同湮沒焉由此觀之人之不朽豈在高壘豐
碑也哉上遡媯軒下迄元明疑信並傳法戒繫之矣作
陵墓志

臨汾縣

古陶唐氏陵

府城東七十里郭行里俗謂之神林又謂之神臨陵高一百五十尺廣二百餘步旁皆山

石惟此地為平土深丈餘有金泰和二年碑記相傳唐太宗征遼曾駐蹕於此因謁堯陵遂塑已像明嘉靖間知縣趙統撤太宗像每祭以丹朱並堯諸臣配饗祭在仲秋上旬

國朝雍正七年修葺十三年知府章廷珪復加增治明

初訪歷代帝王陵墓山東東平州以堯陵聞載之祀典

丹朱墓

相傳城西北二十里王曲村有前後二塚上有舊祠明洪武二年重建舊志並見翼城縣

名金井又見長子

縣南二十五里

晉懷帝愍帝二陵

晉在晉州平陽縣宋乾德四年禁樵採

賈文墓

府城東南二十里朱賈里晉尚書襄陵人

趙劉聰墓

府城西北十里相傳為聰墓塚前有碑碑額云漢故持節侍中太宰司徒公右部魏成獻王之

碑記恐非
通志按漢有大宰上洛王劉景又劉宣為
右部都尉仕至丞相太尉當錄此考之恐非偽宣光陵
也

魏朱楷墓
府城東二十里朱村

孝女女勝墓
城東大道北北魏正光中女年十五母卒
不勝哀而殞太守崔游申請為營墓立碑

自為製文
比之曹娥

唐無佞侯墓
府城東二十里

元平章王泰亨墓
府城南五里

許謙墓
府城東十里九州堡地四畝餘不徵糧

明晉王濟燔墓
府城西北三十里

晉定王墓

府城西北三十里

交城榮順王墓

府城東二十五里

西河靖恭王墓

府城東二十里

助教張昌墓

府城東南十里

尚書張潤墓

府城西十五里
禹豹誌銘

國朝行人王永命墓

在賈材村

襄陵縣

唐虞許由墓

縣東南三十里箕山北巢許祠後其流耳
名清澗通志許由墓在平陸縣東六十里

箕山之側太史公曰余登箕山其上蓋有許由塚云高
九丈周八十一步二塚南北並列其一或巢父塚耶古
朽參天雅稱勝地地形志洛州陽城郡陽城縣有許由
墓未知孰是存疑

周晉襄公墓

縣南一十五里東柴村南原上縣以此名

漢留侯張良墓

縣東四十里龜山之麓先掘地得石誌漢
留侯張良墓通志按一統志徐州留城

內有良墓咸陽縣東北亦有
良墓廣輿記載墓在襄陵

三國武衛將軍萬歲亭侯許褚墓

縣西南十八里許留村

大將軍高安鄉侯夏侯惇墓

縣東南三十里下梁村

晉僕射鄧攸墓

縣東南二十五里鄧莊

北齊斛律光祖塋

縣東二十里斛塚村大塚數座相傳北齊斛律氏塋

宋尚書右丞許翰墓

在許留村

金完顏氏先塋

王忱撰墓碑

元提舉張著墓

縣東四十里張相村學士王惲撰碑

潞公張翥祖墓

縣西南二十五里故關鎮元翰林學士承旨張翥祖塋也有古栢四十餘株

平章牛光祖墓

縣南十二里東柴村南原上有趙子昂書碑

梁元帥墓

縣東十二里進士張思溫撰碑

助教盧希古墓

縣南三十里義村有碑李孟撰文趙昂書

轉運吳著墓

縣西八里齊村

高平懷閔王墓

縣東三十里扈村

翰林崔矩墓

縣西十里四佳村

知州柴良墓

縣西柴村

侍郎邢讓墓

縣南三十五里大學士岳正撰碑

忠節高邦佐墓

東柴村大學士河宗彥撰碑

尚書李瑾墓

縣南司馬村

御史王應吉墓

柳溝坡上

布政翟師雍墓

趙曲鎮東

國朝兵備王維屏墓

縣南四十里西王村

洪洞縣

唐虞士師臯陶墓

縣南十三里臯陶村墓前有祠雍正七年葺十三年知府章廷珪飭知縣余世

堂復加

增治

周樂師師曠墓

縣南二十里有祠

漢中尉郅都墓

縣東南二十里

劉淵墓

縣東南八里秦壁村偽號永光陵

唐真人孫思邈墓

縣南二十里保長村

縣志作孫張村

鄭專知墓

縣耳泉鄉梗壁村墓碑尚存土人稱為鄭大戶

宋大元帥南裕墓

縣南二里有碑記

金侍郎楊政墓

縣東二里

元李留守墓

縣東一里

千戶楊德明墓

縣南三十里高村編修許儼撰碑記

太原郡侯郭公墓

縣東三里碑記尙存

洪洞子石元亨墓

縣東二里有碑亭石器松栢森然學士揭傒斯撰碑記

隱士雲谷張守大墓

縣東二里有碑記

隱士林巖張容墓

縣東二里

明寺丞宋載墓

縣南高原三里

提學宋拯墓

縣南三里

誥贈戶部侍郎韓肅墓

縣東二里有周經碑記

尚書諡忠定韓文墓

縣東十里勅建大學士賈宏志銘

知府衛英墓

縣東十五里有韓英碑記

都御史劉廷臣墓

縣東八里

太僕卿韓廷偉墓

縣北五里

叅政劉守仁墓

縣東北四十里

知縣王家棟墓

縣東北

知府晉承眷墓

縣東二里

太守李杲墓

縣東南二十里師村東有石刻肅王祭文

知府鄭傑墓

縣東五里

叅議許翔鳳墓

縣東十里

御史南仝墓

縣東二里

副史李復初墓

縣東五里

叅議王三接墓

縣東五里

叅政劉應時墓

縣東三里

御史邢實墓

縣東北三里

御史董光裕墓

縣東北五里

御史柳春墓

縣東北五里

誥贈戶部員外晉偉墓

縣東一里王國光碑記

勅封御史于邦聘墓

縣東二里有碑記

知縣趙克勤墓

縣東五里梗壁村

知縣韓廷芳墓

縣東二里

勅贈通判李星墓

縣東二里

知州宋溱墓

縣東五里梗壁村

同知楊茂續墓

縣東北五里

同知左立功墓

縣東北五里

郎中晉承忠墓

縣東十五里故縣村

同知王家楹墓

縣東十五里周壁村

知縣邢大壯墓

縣東十八里豐村

銓部晉淑柝墓

縣東北五里馮堡村

勅贈主事胡邦本墓

縣東五里梗壁村

誥封都御史劉承光墓

縣東十里周壁村

知縣段煥然墓

縣南三里

勅封兵馬司劉恭墓

縣北五里

都給事中申嘉言墓

縣東南三十里

知縣韓接祖墓

縣北四里灣裏村

通判晉應兆墓

縣北一里鳳山鄉

勅贈中書舍人王邦憲墓

縣東南二十里

贈光祿大夫韓汝松墓

縣東北八里馮堡村

州同知晉應麟墓

縣北三里灣裏村

贈光祿大夫韓承寵墓

縣東北九里許馮堡村

國朝

勅建通政使劉令譽墓

縣東北九里辛堡村

工部尚書楊義墓

勅建通政使晉淑軾墓

縣東北五里永寧村

勅贈給事中陰承緒墓 縣東二里

叅政宋炳奎墓 縣東北十里永寧村南有文清公衛周祚墓表碑

誥贈左侍郎楊芳春墓 縣南三里

行人司李脉健墓 縣東五里梗壁村

誥贈工部尙書楊學震墓 城東十里李堡村

工科給事中陰應節墓 城東七里馮堡村

福建道御史宋調元墓 城東五里梗壁村

光祿大夫韓象起墓 縣東北八里祖塋之東

誥封大名道晉承植墓 縣城東三里

誥封按察司劉世琳墓

縣東南七里姚莊圪塔五里許

誥封奉直大夫劉誌墓

縣東二十五里尹壁村

進士范鄱鼎墓

縣東南二十里師村

特贈按察使劉綽墓

縣南五里姚莊村

特授光祿大夫劉鎮墓

縣東五里尹壁村

浮山縣

右堯陵

縣西北三十五里楊村陵前有碑記見臨汾每年春秋與臨汾分祭

漢博陸侯霍光墓

縣北十五里平寧村雍正十年修葺有祠在府西門外天寶間建通志按兵

安志以光陪塋咸陽武帝茂陵則此或光祖塋今始存之

五代晉魏國公桑維翰墓

縣東北六十里夾榆村

宋禮部尚書邢昺墓

縣東三里小邢村昺嘗撰禮選二十卷以進無副本真宗許繕錄賜之未

畢而昺卒亟詔寫二本一本賜其家一本置塚中
一云在任即縣黃壘村

明布政陳孜墓

縣北十五里王村鎮

趙城縣

上古媧皇陵

縣東八里有二塚各高二丈周四十八丈松栢鬱茂宋乾德四年詔給守陵五戶長吏春

秋奉祀開寶六年右補闕裴麗澤撰廟碑銘曰平陽故都得女媧之原廟遂命中使蒞事有司揆功選異材召大匠以堅易脆去故就新則媧皇陵之載趙城蓋已久矣歷代胥遺官致祭祭文詳祠祀卷內

殷蜚廉墓

皇甫謐云去縣十五里有蜚廉塚水經注曰飛廉以善走事紂惡來以多力見知周王伐

紂殺惡來時飛廉爲紂使北方還無所報乃壇於霍太
山而致命焉得石棺銘曰帝命處父不與殷亂賜汝石
棺以葬死遂以
葬於霍太山

周趙簡子墓

縣東塚高一丈一尺周圍三十五步有碑記
通志趙簡子墓在壽陽縣西北三十里賀

魯城東簡子祠後開寶三年詔守塚兩戶禁樵採未知
孰是存疑

藺相如祖塋

許村里有石器碑記存

漢樊噲墓

在樊村里塚高一丈五尺周圍四十步有碑記

紀信墓

縣東南二十里有碑記

邴惲墓

石明里有碑記代州有墓墓有柏名邴都柏
通志石門里

十六國夏王赫連勃勃墓

縣東北四十里霍太山上其地
奇卉

金忠獻公田忠良墓

縣東十五里有碑記

狀元王綱墓

縣北簡子廟前有石器碑記

元文靖公徐毅墓

在石明里有石器許文正公作神道碑

明懷仁榮定王墓

縣東南五十里師屯村

國朝贈都司僉書晉大忠墓

總督李之芳撰墓表

太平縣

古軒轅陵

縣東三十里上魯村東汾河內有石棺以鐵束之隱見不時世傳以爲軒轅棺云按黃帝崩

于荆山之陽塋橋山一統志云橋山在延安府中部縣北下有沮水此以石棺爲陵毋乃與鼎湖騎龍事同一

傳會乎府志相沿已久存疑可也

伯益墓

縣東四十里李社村崇間知縣魏公韓修葺康熙四十七年知府劉榮行縣重修詳見祠祀

周趙宣子墓

縣南十里汾陽村

程嬰墓

縣西七里通志程嬰墓在忻州西南原上舊有祠久廢碑亦殘缺未知孰是存疑

公孫杵臼墓

縣西北十里三公村通志公孫杵臼墓在忻州西北七里遼莊村南莊即杵臼中

社也有祠碑記存開寶三年詔守塚兩戶禁樵採未知孰是存疑

韓厥墓

厥店村通志韓厥墓在忻州南十五里韓厥村今有韓家溝其故里也

將軍李牧墓

縣西五里孝子村縣志即李榮廬墓處按唐宰相世系表武安君李牧三子汭少

鮮汭秦詹事廣武君左車父也不載李榮

漢絳侯周勃墓

縣東北七里郭店村並見曲沃縣

隋文中子墓

縣東南三十里萬王村子墓

按曲沃亦有文中

唐鄭王李繼思墓

縣東八里南李村明萬三分侵者有禁

中塚塋三畝

甯府君墓

縣北二十里名無考

金尙書李愈墓

縣西南七里

元府判張懷英墓

縣東北十里北李村

元帥毛貴墓

縣東二十里東張村

明御史馬鸞墓知府馬聰墓

胥在縣南五里

同知李誠兵備李鉞墓

胥在縣東南賈堡東一里

侍郎王體復墓

縣南五里勅建大學士方從哲誌銘

三陽府志 卷之三十一 二
叅政郭萬里墓

縣東上曾村北

少卿楊天民墓

縣東十五里都御史程紹誌銘

叅政張雲翼墓

縣東西張村左都御史曹于汴誌銘

主事盧以岑墓

縣北三十里侯村

副使張鯤化墓

縣西北中黃村

知府王椿墓

縣南戎政侍郎趙京仕誌

員外郭衛宸墓

縣東北小張村刑部尚書白允謙誌

國朝知府王琦墓

縣南二十五里龍香坡

知府王迎墓

縣南趙康鎮

列女衛好艾墓

南賈廂王村莊

列女王興娥墓

縣南北冢村

知縣李敏墓

縣東二十里南賈村

知縣王錫韓墓

縣西十里賈岡村

贈吏部郎中王履浩墓

縣北曹路村南大學士李蔚誌

岳陽縣

周晉大夫郤缺墓

縣東七十里

趙上卿藺相如墓

縣北八十里墓前有河名藺河其祖塋在趙城許村里舊通志藺相如墓在

澤州莒山南今屬鳳臺縣正義云在邯鄲縣西南六里

元宋國公墓

城北二里姓氏無考

曲沃縣

周齊姜墓

縣上西關外高二丈周三十六步按左傳齊姜本非晉獻公妃他書或云獻公元妃驪姬使

申生祭於

曲沃卽此

申生墓

縣西門內祠後晉惠公改葬共太子卽此

荀息墓

荀王村後裔至今存焉並見鄉寧縣

聖克墓

縣南五里南吉村

介林墓

縣南三里河底村之推子通志作介休

白起墓

縣東北白塚村

漢周勃墓

縣東南唐家村

汾陽侯靳強墓

縣北方城里

隋文中子墓

縣西北文村汾河東廣百畝太平亦有墓未知孰是並存

唐許孝恭墓

縣西北二十里太子中書孟楷誌銘

程黻金墓

縣西三十里程王村

宋史緒墓

縣東八里常安村學士王居正誌銘

甯智墓

縣東南八里望絳村學士王巖叟誌銘

元大元帥靳和墓

縣東北曲村里

李謙亨墓

縣南二里李永魯翀有記

劉尚質墓

縣東張亭里

廉訪使靳用墓

在北曲村

孝子靳昂墓

北曲村揭侯斯撰碑

明尚書諡莊簡李浩墓

南莊勅建大學士夏言表

尚書李尚思墓

縣東二里勅建山陰王濬初誌銘

叅政李日強墓

縣東五里

知縣上官蓋墓

縣西北十里

國朝許永禧墓

縣西北五里張寨村仇之遠誌銘

勅建大學士諡文清衛周祚墓

縣西北五里李蔚誌銘

兵部侍郎衛周允墓

縣西北五里金之使誌銘

都御史賈漢復墓

縣東北七里堰底村魏象樞誌銘

兵備道仇昌祚墓

縣東北一里知縣潘錦誌銘

烈婦劉小件墓

楊柳村內知縣潘錦收葬于此有碑已人王大作李現等銘

中書舍人賈鳴璽墓

蘇村東誌傳悉自書其父教諭佩徵墓亦在焉范鄧縣誌有既齊表

王拱
碑銘

翼城縣

古唐侯丹朱墓

縣西北史村高一丈圍一百六十步俗呼為金井臨汾縣亦有丹朱墓並存

周叔虞墓

縣西北孝義村北其塚三各高一丈周圍二十步

平陽府志

卷之三十一 陵墓

古

晉厲公墓

縣東南故城高一丈六尺周圍五十步左傳成公十七年晉厲公欲去羣大夫而立其左

右既殺三郤公遊匠驪氏樂書中行偃執公明年正月

庚申二子使程滑弑公以車一乘葬于翼東門之外即

此地

鄭太子墓

縣西雲唐村有盧照鄰碑記一作楊炯撰碑

小子侯墓

縣東浮圖村北塚高三丈周百步俗呼小王墳

將軍閻沒墓

縣西北古署村北山上塚高三丈周圍八十步

唐司空楊琮墓

縣東楊窰村北草嶺上其後世孫宋元帥琮司空明金大將軍發縣尹時元元帥銓

縣尹宜肯附葬於此有石人馬並碑

元屈繼平墓

縣西古澗西博士侯均有銘

吉侍郎墓

縣北史村失其名

侍郎楊守則墓

縣北門外東嶽廟後

達魯花赤脫脫墓

縣西南常柵村北有石人馬

總管郝溫墓

縣西陵下村後

明郎中高翀墓

縣上高村南

孝子劉元真墓

縣西下平村西北岡上

通政王錫墓

縣東辛莊東坡上

布政使王泰墓

縣作級村北舊志作作紋村非

叅議劉志墓

縣浮圖村西

郎中楊汝江墓

縣北神廟後

編修續旻墓

合雲村西北

副使燕好爵墓

縣南衛村北

知府錢士聰墓

縣西門外

知府史官墓

縣浮圖村北

副使劉應聘墓

縣史村北

御史史學遷墓

縣鳳架坡村

太僕卿呂維寧墓

縣吳柴村

副使丁流芳墓

縣澗下村

國朝懷遠將軍何斯盛墓

在澮水東將軍廟後卽當時遇害處也觀歸秦中邑人因其戰

血壘爲邱焉

都察院左副都御史上官鎰墓

按察使王廷諫墓

侍郎張士甄誌銘

待御張鳳起墓

徐旭齡誌銘

知府趙漢卿墓

汾西縣

元左丞知經筵事傅正獻公巖起墓

縣西一里有碑

禮部尚書吉祥墓

縣東一里趙子昂撰碑

龍岡真人墓 縣西一里許

明按察使仇益墓 縣南四十里

戶部員外范均墓 縣南五十里于翰林院庶吉士范琮

叅政周鑑墓 縣西四十里有碑

僉事侯銘墓 城外一里許

知府王習墓 城東一里有碑

知州傅永康墓 城西有碑

贈太僕寺少卿閻生斗墓 城東一里欽賜地價銀二百兩遣官祭葬有碑

知縣王永年墓 城東有碑

靈石縣

周介之推墓

縣東

張嵩村神林

通志並見沁源縣

漢韓信墓

縣南高
詳見祠

壁鎮土人名韓信嶺墓前有祠多題咏

宋名臣師範墓

縣

東尹方村

金尙書馬瓊墓

縣

西文學里馬家莊

元元帥溫舜墓

文

學里溫家溝

進士喬世綱墓

縣東尹方村

明都御史吳珉墓

縣北索洲鎮

知州裴泰主事

裴繼芳墓

胥在縣南五里路東

兵備王之楨墓

縣東蒜峪村

知縣房韞玉墓

縣北索洲鎮

國朝副總兵韓進墓

縣東北焦俊原

霍州

周厲王陵

州城內

西南隅王居鎬京出奔晁葬焉

隋宋老生墓

州城

東三里宋張商英弔以詩明知州鮑克恭立祠

唐申公高士廉墓

州東二十里庫拔村開寶三年詔守塚兩戶禁樵採

將軍燕巒墓

州

南寺莊村有碑

宋節度使高繼嵩墓

州東二十五里高家莊

元忠義公邢飛翰墓

州西白龍村

隴西伯李榮祖墓

州東靳壁村

明安僖王墓

州東賈孟村

恭和王墓

州東河壁村

溫惠王墓

州東河壁村

上

中

下

左

右

平陽府志卷之三十三

寺觀

釋談寂滅妄幻塵世老尚清淨簡棄衆有瑤宮貝闕繆厥宗矣開元以後浮圖老子之居所在多有儒者奮袂而起乃欲火其書廬其居夫誰火之而誰廬之且昔之患在二氏今之患在儒者離物事心儒而釋矣致虛守靜儒而老矣二氏之徒僅治其麤號爲儒者反竊其精梁公復出祠可毀教不可廢則何益哉歐公有言修其本以勝之夫苟修其本以勝之梵刹僊丈聊以供遊賞

卷之三十三
佐吟咏可也作寺觀志

臨汾縣

北禪寺

在城內大德坊唐貞觀二年建明洪武間置僧綱司併廣禪清涼二寺入焉永樂七年改僧綱

司于天寧寺今廢基址猶存

大雲禪寺

在安道坊唐貞觀中建俗呼鐵佛寺內有大鐵佛頭上建浮圖推官張銓有詩

天寧寺

在明德坊唐末建有藏經閣僧綱司在焉

南禪寺

在南門內崇寧坊先為崇法寺金太和初建後改為南禪寺國朝康熙三十四年地震毀僧

普祥重建仍為南禪寺徒普祿拓修通判宮懋言為之記

靈泉寺

在城西北十里宋太平興國中建

普照寺

在城東十五里宋元祐中建

廣教寺

在城東金天會中建俗呼辛寺

普濟寺三

一在城北三十里金大定中建一在城南三十里一在城西南十里元至元中建

清涼寺

在城北六十里金明昌中建

文殊寺

在城西十里席房村元至元中建

圓明寺

在城西北十里元至元中建

廣照寺

在城東北四十五里元至元中建

迴光寺

在城西十五里元大德元年建俗呼峽峪寺明洪武間併顯應洪教小迴光三寺入焉永樂十

七年修

乾明寺

在城西南二十五里賈册村元大德中建

洪教寺

在城西南三十里景村元大德中建俗呼東景寺

白蓮寺

在城西南十里伊村元至順間建

光孝寺

在城西北二十里元至正中建

木塔寺

在城東南二十里賈于村內有木塔元至正初建

奉慈寺

在城西門南側舊名普安堂元至正三年建明萬三十九年勅改

慈雲寺

在城東關唐貞觀三年勅建太宗破宋金剛立慈雲寺于晉州給度牒勅撰碑記

天龍寺

在城西二十五里唐貞觀中建

顯應寺

在城西北十里元時建

龍巖寺 在城東十里金大定間建

嘉泉寺 在城西北十里嘉泉村

大佛寺 在城東關五里外樊家庄萬三十二年建

延壽寺 在城東十五里元致和年建

妙覺寺 在城東南二十里金大定年建

廣禪寺 在城北二十里元時建

毘盧寺 在城西三十里披庄鎮元時建

碧巖寺 在姑射山神居洞左

大梵寺 在城南三十里河南村

泗洲寺

在城西二十里金太和年間建

上生寺

在城西二十里小榆村元時建

玉泉寺

在城西南十五里灰泉村元至正間建

彌勒院

在上陽里元至正三年重建有毛庵碑記

羅漢寺

在城西北三十里洪堡村元至正年建

福勝寺

二一在城北四十里元至正間建一在城東十五里明正德五年建

通寺

在城西十里明正德二年建

寶峯寺

在城東三十里明正德二年建

廣勝寺

在城東三十里明正德三年建

法華寺

在城東三十里明景泰間建

衝天寺

在城西北三十里李作村明成化間建

敷化寺

在城東北三十里柴李村明治間建

西木塔寺

在城西南三十里潭底村明正德元年建

乾寧寺

在城西十里樊村元至正間重修

后子寺

在城東五里

永壽寺

在城南五里與帝堯廟相接俗名岔口東茶房
明萬間勅建

大悲香火院

在飛鳳山

水陸社

在城內西南隅安道坊舊普安堂側明崇乙
亥年建內藏吳道子畫水陸一百二十軸社之

得名以此畫見於嘉靖間崇時寺僧得之因創殿藏焉詳見古蹟

準提庵 在東關南街

白衣庵 在東門內

延生庵 在府前吳道子畫水陸百二十軸今移藏于此

天慶庵 在城大通坊原名步觀唐顯慶中建金大定間重建明洪武間置道紀司

龍祥觀 在城東南三十里宋大觀中建

清源觀 在城北二十五里元至正中重修

冲虛觀 在城西北二十里元至正中重修

常清觀 在城西門外唐道初建

會仙觀

在城西北二里元平章王泰亨重建

光宅宮

在城南帝堯廟東元至元六年羽士姜善信建堯廟以其餘材建爲宮以居道衆世守廟宇

崇聖宮

在城北二里內有通明閣元至元中淵靜大師楊道源建

紫極宮

在城西門內

玉虛宮

在城太平坊真武廟內

五嶽觀

在東關北街

紫清觀

在掛甲莊唐建

洞真觀

在城西十五里元統三年建

太清觀

在城西十五里劉村至元六年建

棲霞觀

在城東南十五里杜村

襄陵縣

圓通寺

在北許村三國時建

國朝康熙年間重修

普救寺

在縣南大尖山之巔唐廣德二年賜額上建浮圖乃慈濟得道之處

聖壽寺

在縣治西通信坊宋咸平三年建元至正七年賜額

釋迦寺

在縣南故關鎮宋崇寧五年建李容有詩

靈光寺

在縣東南北梁村金皇統中重建

普潤寺

在縣東南安李村金大定七年建

福勝寺

在梁坡村大定十一年建

超化寺

在縣東南趙西鎮元至順二年重修

慶壽寺

在縣東南王村元至正九年重修

興樂寺

在望薰門外街西舊為化度院明天順二年賜
金額成化九年燬十年重建大學士劉定之撰

記

佛窰寺

在北關村規模敞建自元初

慈氏院

在縣東南南梁村有浮圖唐開元二年建宋太
平興國二年賜額

香巖院

在縣南崔村元延祐五年建

十方院

在縣南關外里許順治初僧德建水田環繞
菱荷彌望頗堪遊賞

好生庵

在趙曲東門外兵部尚書劉餘祐碑記

準提庵

在東郭村

水月庵

在南關門外

棲霞觀

在縣東南西梁里宋元祐四年建

紫極觀

在屏霍門外宋崇寧三年以老君觀改建

清陽觀

在屏霍門外明宣德間修葺成有詩

八姑觀

在崇仁南坊

萬聖觀

在縣西齊村元至元初真人酈希誠修煉之處
世祖賜額

龍祥觀

在縣西浪泉村金大定二年重修

龍翔觀

在京安鎮金泰和二年建元至元六年重修

玉清觀

在縣南北陳村元至順三年建元統元年賜額

金火神廟

在縣故關鎮元延祐七年建

天真萬壽宮

在縣東南金進士王元輔故宅也元至正六年建明成化十六年道士趙明端修

朝陽觀

在縣南故關澗北崖高四丈許好事者穴之如石洞然梁古賓以道流主其洞名曰朝陽元至

元十三年國子助教盧希古撰記明宣德六年改爲觀

洪洞縣

羅漢寺

在縣西二里孝思坊晉永和二年建又名西藍寺節年被汾水侵塌今改徙近城寺名仍舊宋

元明多名人題咏

廣濟寺

在縣永安里唐貞觀二年建節年被汾水侵塌今改徙貫村北官路西寺名仍舊

泰雲寺

在縣東唐天寶十年建

彌勒寺

在縣西南段村宋天聖元年建

佛殿寺

在縣見賢坊宋天聖四年建明嘉靖元年改爲學宮遷寺於城東北隅舊倉改名古佛禪寺

鹿苑寺

在縣東南卽福嚴寺宋治平二年建有丞相王安石記

興化寺

在縣東北元大德年建

永清寺

在縣朝陽坊元元統三年建于璞有詩

大雲寺

在縣西北明景泰間建

會勝寺

在縣東蜀村里元大定二十一年建

洪教寺

在縣東故縣里唐長安二年建

洪福寺

在縣東南吉村金大定二年建元至元六年修
通志作洪佛寺

普照寺

在縣東南栢村里元大德七年建明萬九年修

崇福寺

在縣南張郭里唐咸通二年建明成化十九年重修

實際寺

在縣南師村里元至元元年建明正德十四年修御史李復初碑記

先師寺

在縣南范中里元大德二年建

照慶寺

在縣西馬龍村元大德元年建

寂照寺二

一在縣西程曲元至元六年建一在羊獬里大德十一年建

祝壽寺

在高公里元至正元年建明嘉靖十三年修

五聖寺

在縣西白石里元泰定間建

普覺寺

在縣西汾州里元泰定六年建

法雲寺

在縣西萬安里金大定十年建

廣濟寺

在縣永安里唐貞觀時建後爲汾水所嚙改徙賈村北寺名仍舊

定覺寺

在縣西崔堡里明治九年重修

離越寺

在縣東三里梗壁村治十六年建地頗清幽

千佛寺

在賓陽門內桂義坊

北橋寺

在玉峯門外二里許賈村里僧際亨營構而成寺外翠栢圍環幽邃清雅頗稱勝地

法華洞

在賓陽門外里許

水月洞

在安流門外里許

圓信庵

在賓陽門外里許晉淑忭建

十方院

在望霍門外大路旁晉家鼐創建外爲茶亭

法寶庵

望霍門外五里韓成寵光曙父子創建施茶

仁壽禪林

在迎薰門外大路左晉應兆創建其地當孔道村落寥遠路旁高崖陡立每祁寒酷暑行人苦無勺飲且無席地可憩頗有殞者應兆爲構宇鑿井冬夏煮茗以濟行者功莫大焉

清虛觀

在縣西北段里宋太平興國二年建

日新觀

在縣東故縣里元至大六年建張守大有詩

玉峯觀

在玉峯門外東北山上南洞里元至大年建張守大有詩

都觀

在縣治東北朝陽坊元泰定四年建明洪武置道會司并玉虛觀三觀入焉

翠峯觀

在縣南馮張村元至正二年建又慶雲觀在龍李里

玉虛觀

在朝陽坊宋太平興國二年建明嘉靖四十四年修

慶陽觀

在縣東蘇村里元至元六年建明嘉靖十九年修

棲霞觀

在縣東南羊里元至元二年建明成化二年重修

頤真觀

在縣南董庄村元至元四年建明正德五年修

朝元觀

在縣南東西里宋宣和八年建

雲溪觀

在縣西南段里元至正二年建

眞陽觀

在縣西楊家庄元至元間建明正德二年修

冲虛觀

在縣西張家庄明景泰元年建

慶雲觀

在縣西北李里元至正十年建

清和觀

在縣西長命里元至正二十五年重修

龍祥觀

在縣西萬北里金承安二年建

開元觀

在縣西龍馬村明景泰四年重修

太虛觀

在縣東北永寧村元皇慶二年建明嘉靖十九年修

延壽觀

在縣北北洞里高阜元延祐六年建

太清觀

在縣西溫家庄

浮山縣

羅漢寺

在西街規制極壯麗

玉兔寺

在縣西南十里故神山縣廢城也唐武德二年平陽西北今汾西地有玉兔見遣使祭之勅建

玉兔觀麟德初兔復見勅增修萬歲通天二年兔又見履空而行遣中使王文恭求獲玉兔偕平陽守杜承衍躬往兔出徐步趨之經數日兔至平陽東神山縣西南隅而隱隱處穿地丈餘獲玉石兔上貢命建玉兔觀於其地長安二年河東路巡按使刑部尚書李景副使王永署平陽守錢光演同遊觀中于風穴山脚下見一僧引十餘巨虎頂放白光言此地有虎患吾伏之告以姓氏言訖而化因奏改觀爲寺後唐清泰二年正月十八日獵人見玉兔入穴掘之見庵門啓視容像如生有羅漢現身記元大德七年地震寺廢僧法雲重修明洪武置僧會司改置羅漢院寺有宋明道二年僧靜萬集王右軍書賈昌朝王隨詩通志按萬歲通天二年九月始改神功元年故有二年

大義寺

在縣西南二十里張堡村金大定二十九年建

清微觀

在縣西北五里宋元祐七年建有記

寧真觀

在縣西八里辛村元延祐七年建明洪武間置道會司併洪禧二真龍祥太清太華觀入焉

天聖宮

在縣南三十五里羊角山之麓唐武德二年二月老子見於大樹下衣冠儼若髣髴然白馬

在前青童侍側謂里民吉善行曰吾唐皇帝之遠祖也言訖不見遂詣長安奏聞命左親衛都督杜昂于羊角山致祭老子再見復命有司于其地建祠開元十四年詔改慶唐觀御書額及碑文賜之改羊角山爲龍角山并改浮山縣爲神山縣命高力士董修前老君殿次三清殿又次三皇殿內有六聖御容後唐長興中增修宋景德二年二月甘露降殿栢白鶴來翔勅建前後三門道院行廊大小三百餘間天聖五年詔改觀爲天聖宮大中祥符七年遣宰相王旦奉玉冊玉寶上徽號曰太上老君混元上德皇帝八年古栢別生槐高一丈有奇觀東南有洞唐大中嘗勅以玉簡金龍投其中至晉天福間有奉使新羅者至其國見二寶出水中還長安

表進內有唐金籙齋頌
碑宋孫景文記事碑

趙城縣

寶嚴寺

在縣東門外唐武德元年建元大德中重修明
洪武十五年置僧會司永樂十年修

興唐寺

在霍山谷中鎮廟東南唐貞觀元年建喬宇霍
山記云唐太宗始建斷碑猶存依山帶壑特勝

他處宋杜衍元

趙承禧胥有詩

休糧寺

在霍山嶺休糧山本名慈雲漢建和中建寺左
泉湧出名打鼓泉旁有說法臺金狀元王綱知

府孫濬

胥有詩

廣勝寺二

一在霍山上一在下漢建和元年建栢萬株
枝盡南向所謂廣勝寺栢也下有霍泉旁有

有本觀瀾二亭山上有飛虹塔為阿育王藏舍利處明
永樂十四年修正德間僧達遵重修高三百六十尺寺

有唐太宗御製讚宋李曼王符王淵亭監煉碧王說張
傳新若通曹量元麻秉彛詩

容攝寺

在永樂里宋太平興國中建

安福寺

在小胡麻里明洪武五年建

華嚴寺

在馬牧里宋建隆三年建

維摩寺

在師村里唐貞觀中建

普濟寺

在董村里漢建和元年建

寂照寺

在道覺里宋咸平元年建

消糧寺

在羅云里宋太平興國二年建

靈岩寺二

一在樊村里唐武德三年建一在馮牧南里
元至大元年建

普覺寺

在小胡麻里唐大元二年建

霍峯寺

在胡坦里唐大元二年建

巖泉寺

在樊村里元至正三年建

紅崖寺

在中鎮廟南周顯德年建

龍泉寺

在許村里唐武德三年建

西安寺

在柴村里元至正元年建

崇勝院

宋太平興國六年賜號興唐

天寧觀

在桂林坊一名萬壽宮宋太平興國五年建

騰雲觀

在城東南一里周顯德三年建名卧雲觀明嘉
青間知縣賀國定更今名

補天觀

在侯村里宋慶元四年建

先天觀

在大棘里唐時建

棲雲觀

在楊堡里晉永和三年建

白雲觀

在石子里元大德七年建

碧觀觀

在仇池里唐貞觀三年建

紫微觀

在伏牛里漢建和元年建

長春觀

在上紀落里唐時建

玉虛觀

在董村里宋咸平四年建

明河觀

在道覺里元至治元年建

三陽川志 卷之二十三 三
清真觀

在韓侯里唐貞觀二年建

玉清觀

在王樂里金大定二年建

翠峯觀

在小胡麻里唐長安二年建

東華觀

在柴村里元大德三年建

崇寧觀

在安定里宋太平興國二年建

慶真觀

在南步里元大德五年建

聚仙觀

在胡麻西宋天聖八年建

真一觀

在柴村里唐天寶二年建

三清觀

在胡坦里金大定十八年建

祥光觀 在李岩里唐天寶十年建

清和觀 在道覺里唐長安二年建

披雲觀 在伏牛里漢建和間建

太平縣

善惠寺 在縣西八里北膏腴內有塔北齊天統二年建
初名敬屈宋嘉祐八年賜今額

雲壽寺二 一在縣東北十五里連村後梁貞明三年建
初名遠果金大定十三年賜今額一在縣西

南十五里賈岡村元至元間建 國朝順治十八年修
進士王錫韓記

慈蔭寺 在縣東北十八里柴王村明萬 間勅賜額貯
藏經及欽賜衣鉢并頒藏御牌旗棍之屬

涼馬寺 在縣東南二十五里北柴村東相傳晉獻公九
層臺遺址也漢永平間建宋嘉祐七年賜今額

普淨寺

在縣南三十里南史庄金時建

普照寺

在縣東北二十五里柴寺村金建

聖壽寺

在縣北二十五里古城鎮魏永安二年建

彌陀寺

在縣南十里清儲鎮明時建

福緣庵

在縣北十里鋪

善慶庵

在縣南七里溝渠頭橋上以上二庵設茶濟行人處

慈氏院

一在縣城內西南隅明正統十四年重修置僧會司國朝治十二年修一在縣西南

二十里南王村元皇慶三年重修內有轉輪藏藏佛經

永慶院

在縣東十五里南賈村金明昌三年建明初村舍火院歸然獨存國朝順治十六年修進士

李
敘記

長春觀 在縣北關明正統十三年重修置道會司

修真觀 在縣南關西高阜殿壁繪人物元朱好古筆稱
精妙有鐘聲聞百里今猶達三十里外

真遊觀 在縣東四十里伯皇村西中多栢紋旋紐胥千
百年物殿前一株幹分三枝號三清栢相傳唐

天寶八載四月一日東北村王叟種瓜於陽坡方治苗
倏見一道人紫衣金冠自東南來索瓜叟曰方今初夏
安得有瓜道人指曰此瓜已熟何言無也叟隨所指視
之有二瓜香倍異倏失道人鄉人咸曰此仙瓜也表進
長安命於瓜所
建觀賜額真遊

天壽觀 在縣汾東東北村唐時賜額郎今南壇也八卦
攢頂木不加斲土人傳魯班造

長清觀 在西門外

保真觀 在南關

洞微觀 在縣西二十五里

天真觀 在縣南三十里

泰山廟 在北柴村明正統間建

岳陽縣

露巖寺 在縣北五十里鳳凰山上其山有風洞六月凝水

麻衣寺 在縣北八十里所謂心灣塔影也

金山寺 在縣北百里

大覺寺 在縣南二里先名香巖寺金大定三年建明洪武間置僧會司

圓覺寺

在四次山

延慶觀

縣東山上宋宣和二年建玉皇閣前後殿宇森嚴觀內泉即聖泉所謂活水龍吟是也明洪武

間置道會司併通清華仙遊棲真臨溪龍泉清泉七觀入焉

龍泉觀

在縣北十五里

曲沃縣

普救寺

一名山嶸寺在縣東北六十里大尖山唐釋曇璿天寶元年遊山中二兔引徑入戒行清潔龍

神聽講土人建寺祀之後遇旱禱雨立應廣德二年晉絳守張光俊楊子宏表問代宗賜額普救曇璿號慈濟大師寺居山巔苦乏水庭中鑿石井時雨雪賈鳴璽詩所謂山高行汲遠積雪好烹茶也左右多異木西北峰浮圖立雲中曇璿建後有石室曇璿修煉處釋機公蛻化寺中東廊遺跡尚存

秋林寺

在縣西二十五里張少村元魏延昌三年建明洪武初併福勝寺入焉

靈光寺

在縣東三十里岡村唐初建有王勃靈光寺碑記

感應寺

在縣西關宋嘉祐五年建有塔地震兩分

傳教寺

在縣西南四十里宋嘉祐八年建明洪武初併昌福寺入焉

石佛寺

在大李尙書賈漢復重修

崇慶寺

在高陽村金大定二十年勅建

興國寺

在高縣金興定三年勅建

慈雲院

在庭城村金大定時建

普濟院

一在尉村金大定二年勅建一在褚牛里元勅建

清涼院二

一在文吉村金大定二年勅建一在南庄元

香巖院

在史村金大定年勅建

準提庵二

一在上西關一在張寨 國朝康熙七年大學士衛周祚尙書賈漢復建

圓通庵

在城東關釋普月化此建塔藏之

白衣庵

在縣東北蘇村釋江公卓錫於此村人築庵居之 國朝康熙十三年修五十七年重修賈鳴

璽撰

記

淨土庵

在城北二十里白集村釋心如建賈鳴璽題額

千佛閣

在任庄里

紫霞洞

在裴南里

招仙洞

在隘口有石井深二百餘尺

無量洞

在侯馬鎮

玉清觀

在縣東金大定年建明洪武間置道會司今廢

九龍觀

在縣南二十里景明村內有古栢一株大十數抱相傳九龍神爲本村人

會雲觀

在蒙城里

老子廟

在城南二十里紫金山舊爲佛刹元時道士有單功奏改老子廟四圍胥老栢

先天宮

在東常村

紫陽宮

在南二十里紫稜寨在紫金山巔絕壁如削宮據其上北望縣城如彈丸黑子

紫霞宮

在紫金山上昔有好南華者築宮日習靜其中丹爐存宮側有風洞

翼城縣

太平興國寺

在縣西門外唐貞元三年建初名慶國寺宋太平興國年間勅賜今名內有十二院

曰天王曰北羅漢曰西羅漢曰南羅漢曰華嚴曰藏經曰上生曰觀音曰文殊曰慈氏曰鐘樓曰大雄殿今所存者惟大雄與華嚴藏經數處耳明洪武間置僧會司治年重修

香雲寺

在南梁村西北唐太和三年建院多古栢

法雲寺

在南衛唐太和三年建

金仙寺

舊在東門外澮水旁宋仁宗時有僧號金仙長老因以名寺元延祐間徙同穎坊有元學士趙

孟頫書裕行和尚道行碑

大悲寺

在上白馬村明萬厯間僧悟繼至京募藏經五千四十八卷後坐化

三陽府志
卷之三十三
壽聖寺

在下交村西宋治平四年重修

聖壽寺

在符柳村

天竺寺

在唐城里西宋元祐七年重修

龍興寺

在陵下村西宋靖康二年重修

石相寺

在堡子村東元至順元年重修

雲隱寺

在楊家村

法輪寺

在中衛村

龍泉寺

在馬棚村東元至元十三年重修

興福寺

在鄭庄東元延祐二年建

興龍寺

在灤池山曲舊名羅漢洞元至治中僧碧雲重建沁水李翰有詩

佛巖寺

在滄史村西元至正間重建

十方院

在人望村金大定間建又名延慶院

彌陀院

在澗下村元大德八年建有臘梅一株又名梅花寺

興國院

在北史村金天會間建

大覺院

在天馬村南唐貞觀二年建

淨土院

在辛安村南元延祐三年建

慈氏院

在作級村元中統三年重建

惠濟院

在南史村金大定四年建明嘉靖二十六年重修

永寧院

在城西澗清頭橋上 國朝康熙二年僧圓永募建

碧雲庵

在古署村北馬跑泉東元馮道人建

千佛窟

在翔臯山後有佛像千尊故名窟殊幽邃四季風聲不絕土人傳通觀音洞窟旁有寺

觀音洞

在石門村崖洞口有觀音祠又名菩薩崖

翔清觀

在南梁村東宋元豐四年建

棲真觀

在東河下澮水北崖上元初建明嘉靖二十四年爲水所侵改建北原上

頤真觀

在丁村東北元至元元年重修

仙洞觀

在風雨壇南崖下

乾元觀

在順村東元大德八年重修

安靖觀 在覆續村

懸泉觀 在四望里

棲雲觀 在清流村東元延祐年建

長春觀 在南史里

清和觀 在西門里道士張志和建

慶唐宮 在石橋里唐開元十四年建

紫陽宮 在縣唐城坊宋紫陽真人張伯端修煉處也元至正初重建明洪武間置道會司 按伯端乃

南宗之祖今紫陽杏林紫賢遺蹟存三晉者惟此

汾西縣

建福寺

在縣西四十里芹香鎮唐太和元年建

興原寺

在縣治東金大定二年建

覺圓寺

在水潤里元延祐年建

巖棲寺

在縣治西禮義坊元至順三年建明洪武間置僧會司

聖水寺

縣西南四十里

彌勒寺

在伏朱里

洪濟寺

在三雲村

冲祐觀

在縣西北禮義坊初名玉兔觀以其地常出白兔也宋宣和五年改今額明洪武間置道會司

併招仙葆光虛

靜三觀入焉

洪濟觀

縣西五十里山雲村

靈石縣

永福寺

宋文彥博藏經記高曾祖墳在汾州介休二處父母墳在西京伊闕縣皆所在有奉墳僧得賜

額曰永福教忠積慶得撥放童行內介休空王院西京資聖院乃因舊院已各有藏經惟永福教忠院近特捨奉賜金帛各置經一
大藏付逐院收掌

保安寺

在石膏山

資壽寺

在縣東蘇期村元泰定三年建明洪武間置僧會司併興國崇福安靖三寺入焉

惠濟寺

在縣北街

清涼寺

在小水鎮東山上

樓隱寺

在張岫村

雲峯寺

在楊家塢

兜率寺

在東南五十里東曲里東村舊名大慶元大德三年重建改今額明洪武間併聖壽寺入焉

天聖寺

在冷泉鎮汾河西

大雲寺

在冷泉鎮明呂柟有詩

興國寺

在馬家庄

安靜寺

在金庄村

白山寺

在東羅村

壽聖寺

在張志村

多寶寺

在椒峪村

慈雲寺

在王雨村

聖福寺

在葦溝村

聖壽寺

在雙白里田家山一名老兒浮屠寺世傳張果老遊此坐化遺骸卽瘞座下洞存鐵匙鐵碗鐵

拐鐵鞋

諸物

石佛寺

在秦王嶺

惠安寺

在縣西南四十里魯班纏相傳魯班所修寺後有石穴深幽不敢入大風中出四時不息

川寶寺

在許家店

白衣庵

在石膏山傳爲白衣觀音坐化地

蟠龍庵

在水頭鎮西岳廟後最清幽

瑞雲觀

在縣東門外金時建名修真觀元至治年修明洪武間改今額置道會司

修真觀

在東曲里西村

含支觀

在溫家庄

霍州

西福昌寺

在城宣化坊唐貞觀四年勅尉遲恭監建初名普濟宋太平興國三年改今額元大德七

年地震圯

延祐三年僧聚成重建至正十八年燬明洪

武十五年

置僧正司僧了印重修按初學記普濟寺

唐太宗

破宋老生於此貞觀三年勅建給度牒勅撰碑

記詔曰

有隋失道九服沸騰朕親總元戎致茲明罰其

有桀犬

嬰此湯羅銜鬚義憤終乎握節各徇所奉咸有

可嘉

日往月來逝川斯遠雖項籍放命封樹紀於邱墳

紀信捐生丹素著於圖象猶恐九泉之下尚淪鼎鑊八難之間永纏氷炭惵然疚懷用忘興寢所以樹其福田濟其營魄可以建義以來交兵之處爲義士克徒殞身或陣者各建寺刹招延勝侶望法鼓所振變炎火於青蓮清梵所聞易苦海於甘露所司量定處所並立寺名支配僧徒及修院宇具爲事條以聞稱朕哀矜之意仍命虞世南李百藥褚遂良顏師古岑文本許敬宗朱子奢等爲碑銘以紀功業通志另作普濟今訂正

東福昌寺

在西福昌寺東唐貞觀四年僧清宜奉勅建後地震圯延祐四年僧圓琳重建後改霍山

驛明洪武十八年僧賢仁奉勅合仍建爲寺有碑記今改名祝聖

廣順寺

在城宣一里金天會十一年僧德善建後地震圯元延祐三年重建

金田寺二

一在楊家庄宋政和四年建一在杜庄村唐有記

玉泉寺二

一在陶唐谷下有泉自山落水如玉故名宋初建刹依岩鑿佛瞰川流孤泉獨噴岑麓幽

鬱夙稱奇勝明嘉靖元年郡領國將軍聰復廓修三十六年州牧褚相政爲唐帝祠州人頌之一在谷口山麓

明正統
年建

香岩寺

在靳壁村南金大定三年建有碑

雲峯寺

在靳壁村唐大中三年建有記

龍岩寺

在石鼻村有記

興國寺

在郭庄村唐貞觀十年建有碑

寶峯寺

在義城村有記

大章寺

在大章村高唐有碑記

雁塔寺

在州南山巔明嘉靖四十二年知州李春建陽谷塔學正陳淵撰記後因建寺

太清觀

在城宣一里宋天聖二年道人陶崇仁建有碑記元延祐三年道人趙泰師修明洪武十五年

設道正司國朝康熙六年州牧查振宗率李勝等重修內有尙青山塑像

清虛觀

在下樂平村唐顯慶二年建有碑

慶雲觀

在大章村有碑記

白龍觀

在白龍村有記

白雲山志

大華林寺志

王平山志

平陽府志



